

1930 йил
12 майдан
чиқа
бошлаган



ЎЗБЕКИСТОН РЕСПУБЛИКАСИ ИИВ НАШРИ

№ 10 (3330)

2000 йил 10 март, жума

Сотувда эркин нархда

Бош муҳаррир минбари

АЁЛ – ТАБИАТНИНГ БУЮК МЎЪЖИЗАСИ

Бундан икки кун илгари юртимизда Халқаро хотин-қизлар куни кенг нишонланди, ҳаммамиз мўътабар бувижонларимиз, оналаримиз, опа-сингилларимиз ва биз учун қадрдон бўлган барча назокатли аёлларни байрам билан қизгин қутладик. Газетамиз тантаналар ўтиб бўлгандан сўнг чоп этилаётганини инобатга олиб, сиз азиз ва қадрдон опа-сингилларимиз, муҳтарам аёлларимизни қутлуғ айём билан яна бир бор муборакбод этишга руҳсат этгайсиз.

Хаётда қайси бир ишга қўл урмайлик, у ёки бу маънода биз эъзозлаётган ва номини севиб тилга олаётган аёл билан бевосита боғлиқдир. Зеро, соғлом боланинг туғилиши, энг аввало, онанинг соғлиғига боғлиқ. Парвардигор яратган табииатнинг буюк мўъжизаси бўлиши аёл дилбандини тўққиз ой ўз бағрида, юрак остида авайлаб дунёга келтиради. Уни вояга етказиш учун ўзини аямасдан, бутун ҳаётини бахшида этади. Ана шу жараёнда аёл неки яхшилик ёки ёмонлик кўрса, вуҷуди орқали ҳомилага ўтади. Кўриниб турибдики, соғлиғи ночор, хўрланган, изтироб чеккан онадан соғлом фарзанд туғилмади.

Шу маънода, Президентимиз Ислам Каримов жорий йилни Соғлом авлод йили деб эълон қилишни тақлиф этар эканлар, аёлларни, она-ларни асраш керак, дегани – бу фарзандларни асраш, наслини асраш, охир-окибатда миллатни асраш демакдир, дея алоҳида таъкидладилар.

Аёлни қадрлаш, деди юртбошимиз, уни оғир ишлардан халос этиш, ёмон иллатлардан ҳимоя қилиш – эр кишининг, бугун жамиятимизнинг бурчидир. Бу ҳақиқат куруқ гапга айланиб қолмаслиги учун барчамиз жавобгарликни сезишимиз, уни амалий ишларимизда намоён қилишимиз даркор.

Шукрлар бўлсинки, Ўзбекистон мустақилликка эришгач, аёлларга ғамхўрлик кўрсатиш давлат сиёсати даражасига кўтарилди. Бу борадаги фаолият тобора такомиллаштириб боришмоқда. Президентимизнинг "Иқтисодиётимизни эркинлаштириш ва ислохотларни чуқурлаштириш – энг муҳим вазифамиз" деб номланган маърузасида айтилганидек, аёллар манфаатларини рўёбга чиқаришни таъминлаш дастури доирасида хотин-қизларнинг манфаатларини ҳимоя этишнинг ҳуқуқий асосларини такомиллаштиришга, уларнинг жамият ҳаётидаги ўрни ва нуфузини оширишга қаратилган бир қанча тadbирлар амалга оширилди. Аналар ва болалар саломатлигини мустаҳкамлаш, аёлларнинг мамлакат ижтимоий ва иқтисодий ҳаётидаги фаол иштирокини таъминлаш учун зарур шарт-шароитлар яратилди. Аёлларимиз йилдан йилга мамлакатнинг иқтисодий ва ижтимоий ҳаётида фаолроқ иштирок этишмоқда.

Булار куруқ гап эмас. Мустақил Ўзбекистондаги давлат, жамоат ва иқтисодий тизимларида фидойи аёлларимиз меҳнат қилмаётган соҳанинг ўзи бўлмаса керак.

Аёллар меҳнатини энгиллаштириш, улар турмушини давлат миқёсида яхшилаш мақсадида ижтимоий йўналишдаги комплекс чоралар кўрилаяпти. Аёллар билан ишлаш услублари кўпайтирилмоқда, уларнинг турмуш тарзини яхшилаш, таълим олиши ва маданиятини юксалтириш учун барча зарур шарт-шароитлар яратилмоқда.

Мустақилликка эришганимиздан сўнг аёлларга бўлган муносабатга қараб, жамиятдаги маънавият, маданият даражаси, шу жамиятнинг демократик ўзгаришлар йўлидан қай даражада бораётгани белгиланадиган бўлди.

Бугунги кунда юртимиздаги минглаб аёлларимиз фаол ҳаётий қараш, ўзи бажараётган ишга нечоғли интилиши, юксак билими ва маданияти билан бутун жаҳонга мустақил Ўзбекистоннинг озод аёллари жонаҳи Ватани гуллаб-яшнаши учун эркаклар билан баравар меҳнат қилишаётганини намойиш этишмоқда.

Шуни ҳам айтиш зарурки, аёлларимиз қандай мартабали лавозимда ишлашмасин, қайси фаолият тури билан шуғулланмасинлар мөҳрибон ва ғамхўр она, назокатли умр йўлдоши, оқила ўй соҳибаси, буюк Ватанизмизнинг келажаги бўлган фарзандларнинг тарбиячиси бўлиб қолишапти.

Одатда тантана ва байрам кунлари мавжуд муаммолар, қийинчиликлар ва ҳал этилмаётган масалалар хусусида гапирилмайди. Ҳозирда мамлакатимиз унча осон бўлмаган кунларни бошидан кечираётган бир пайтда улар мавжуд эмас, деб ҳам айта олмаимиз. Улар жаҳоннинг бошқа қўллаб-давлатлари каби бизда ҳам бор. Ўзбекистонда ҳеч ким бу камчиликларни яширмакчи эмас.


Аксинча, давлатимиз раҳбари энг олий минбарлардан туриб улар ҳақида очиқ гапириб, ҳал этиш йўлларини кўрсатмоқдалар.

Якунланаётган янги мингйиллик арафаси ва унинг дастлабки йилларида бундай йул – сиёсий ва иқтисодий соҳалар, давлат қурилиши ва бошқаруви, маънавият ва суд-ҳуқуқ, ташки сиёсат ва хавфсизлики таъминлаш соҳаларини эркинлаштириш йўлидир. Ушбу йўналишда белгиланган миллатни амалга ошириш мақсадли самарали стратегик режалар тузилиб, ҳозирда муваффақиятли амалга оширилмоқда.

Қувончлиси шундаки, мазкур вазифаларни бажаришда биз ривожланган давлатларнинг тараққиёт моделларидан кўр-кўрона нусха кўчирмай, миллий қадриятларимизга содиқ қолган ҳолда, ўз демократик ривожланиш йўлимиздан дадил бормоқдамиз.

Ва бу йўл ўзаро ҳамжиҳат кўп миллатли халқимизни тараққиёт, фаровонлик ва бахт-саодат сари албатта олиб боради.

УЛКАМИЗНИ ЯШИЛЛИККА БУРКАЙМИЗ!



Ҳар йили баҳор келиши билан ўлкамизда озодалик ва кўкаламзорлаштириш ишлари бошланади. Муборак Наврўз байрами муносабати билан жойларда атрофларни тозалаш, ариқларни тартибга келтириш ва ниҳоллар ўтқозиш ишлари амалга оширилади. Аҳанана мувофиқ бу йил ҳам 10 мартдан 10 апрелгача республикамизда “Озодалик ва кўкаламзорлаштириш” ойлиги ўтказилади. Бу муҳим тадбирда Республика ички ишлар идораларининг ходимлари ҳам фаол иштирок этиб, жойларда ободонлаштириш, меваги ва манзарали дарахтлар, гуллар экиш тадбирларини белгилаб олдилар.

Ўз мухбиримиз.

**Кўчат экинг,
боғ қилинг,
болаларим!**

— дейди Убайдулла
ота Ақромов.

Дарвоқе, отахон айнан шу бугун 81 ёшни қаршиладилар. У кишига узоқ умр тилаб, ҳамиша бардам бўлинг, деймиз.

2 НАФОСАТ БАЙРАМИ

**ЙЎЛ ҲАРАКАТИ
ХАВФСИЗЛИГИ
ОЙЛИГИ ДАВОМ
ЭТМОҚДА**

kelgusi hafta uchun
MUNAJJIMLAR BASHORATI

ОЙНАИ ЖАҲОН ДАСТУРЛАРИ — ТўЛАЛИГИЧА БИЗНИНГ ГАЗЕТАМИЗДА

ЖУРНАЛАРИМИЗНИНГ



НАВБАТДАГИ СОНЛАРИ БОСМАДАН ЧИҚДИ



ИНСОНИЯТ МУАММОЛАРИГА БАҒИШЛАНДИ

Шу йил 6 март куни Тошкентда БМТ таркибидаги ЮНЕСКО, ЮНФПА, ЮНИСЕФ ташкилотлари вакилларининг оммавий ахборот вакиллари учун қўшма матбуот анжумани бўлиб ўтди.

Бу ташкилотларнинг бири таълим, фан, маданият ва коммуникация, иккинчиси жаҳон аҳолиси, учинчиси болалар муаммолари билан шуғулланишади. Лекин барчасининг пировард мақсади инсоният, унинг барча вакиллари учун муносиб ҳаёт даражасини таъминлашдир. Шу эзгу мақсад йўлида улар барча ҳукуматлар, нодавлат ташкилотлари билан ҳамкорлик қилишади.

Матбуот анжуманида вакиллар турли йўналишларда жаҳонда, Марказий Осиё минтақасида, хусусан Ўзбекистонда ўтган давр мобайнида амалга оширган ишлари ҳақида тўхталдилар. Тадбирда иштирок этган республика Бош вазирининг ўринбосари, Ўзбекистон Хотин-қизлар қўмитаси раиси Д. Ғуломова ҳукуматимизнинг бу ташкилотлар билан ҳамкорлиги яхши

натижалар бераётганини мамнуният билан қайд этди.

Анжуманининг 8 Март – Халқаро хотин-қизлар куни арафасида ўтказилгани учун, қолаверса кўтарилган кўпгина муаммолар айнан улар билан боғлиқлиги сабабидан, аёллар масаласи барча вакиллар чиқишларининг диққат марказида бўлди.

Анжуман қатнашчиларига БМТ Болалар фонди ижрочи директорининг "Дунё болаларининг аҳоли" мавзусидаги маърузаси матни тарқатилди. Унда дунёнинг турли мамлакатларида қашшоқликдан, очликдан, ўзаро миллий низолардан, урушлардан, турли юқумли касалликлардан, жумладан ОИТСдан жабр чекаётган болалар ҳақида ҳаққоний маълумотлар берилган.

БМТ Бош котиби Коффи А. Аннан маърузага ёзган сўзбошида таъкидлаганидек: "Маъруза... ҳукуматларга, фуқаролик жамиятига, хусусий секторга ва бутун халқаро ҳамжамиятга... ҳар бир боланинг муносиб равишда парвариш қилинишига, таълим оли-

шига, ўз қобилиятларини ривожлантиришига эришишини таъминлаш учун чақириқ бўлиб янграйди".

Бу курраи заминда бола азият чекар экан, она ҳам азобда бўлади. Айнан инсониятнинг ана шу икки вакили турли офатлардан, ўзаро урушлардан, кези келганда эркакларнинг зўравонликлари, ноҳақликларидан энг кўп жабр кўради. Тўғри, БМТ 1989 йилда "Болалар ҳуқуқлари ҳақида конвенция", 1995 йилда Тўртинчи Халқаро хотин-қизлар конференцияси уларнинг эркаклар билан тенглигини таъминлаш ва родини кучайтириш ҳақида қарор қабул қилган. Лекин уларнинг том маънода амалга ошиши учун бутун инсоният қўлни қўлга бериб ҳали жуда кўп иш қилиши керак. Булар дунёда тинчликни таъминлаш, қашшоқ аҳолига ва мамлакатларга ҳар томонлама қўмаклашиш, аёлларнинг иқтисодда, сиёсатда, жумладан давлатни бошқаришда фаол иштирокига эришиш ва шу каби қатор вазифалардир.

Ана шу долзарб вазифалар ичида таълим, фан ва маданият соҳаларида ҳамкорлик ҳам алоҳида ўрин тутди. Хал-

қаро ҳамжамият бу йўналишлар бўйича юртимиз билан яқиндан ҳамкорлик қилиб келяпти. Ўтган давр мобайнида Ўзбекистондаги қатор олий ўқув юртларида астрономия, физика, инсон ҳуқуқлари ва демократия каби қатор фанлар бўйича ЮНЕСКО кафедралари очилди, 20дан ошди мактаб унинг ассоциациясига аъзо бўлди, экологик муаммоларни моделлаштириш бўйича минтақавий ўқув семинарлари ўтказилди, Бухоро ва Хива ЮНЕСКО Умумжаҳон мероси рўйхатида киритилди, Бухорода учта тарихий обида ЮНЕСКОнинг молиявий қўмаги билан таъмирланди. Албатта, яна кўплаб қилинган ишларни санаб ўтиш мумкин.

Мухими, ҳамкорлик янада ривожланипти. ЮНЕСКО, ЮНИСЕФ, ЮНФПА вакиллари йиғилганларга фан, таълим, маданият, болалар ва хотин-қизлар ҳуқуқлари, аҳолини муносиб ҳаёт даражаси билан таъминлаш борасида ҳамкорлик истиқболлари ҳақида гапириб бердилар.

Улар Ўзбекистон Президентини томонидан 2000 йилни соғлом авлод йили деб эълон қилиниши ва ҳукуматимизнинг бу эзгу мақсад йўлидаги саъй-ҳаракатлари уларнинг режалари билан ҳамоҳанг эканлигини таъкидладилар.

Ўз мухбиримиз.

Йўл ҳаракати хавфсизлиги ойлиги давом этмоқда

АВТОҲАЛОКАТЛАР КАМАЙМОҚДА, БИРОҚ...

Сирдарё вилоятининг автомобиль йўлларида тадбир бошлангандан бери йўлларда автоҳалокатлар 25 фоизга камайди, содир бўлган йўл-транспорт ҳодисаларида одамлар қурбон бўлиши қайд этилмади, жароҳат олганлар элли фоизга камайди.

Вилоят ДАН ходимлари йўл ҳаракати хавфсизлиги ойлиги бошланган куниданоқ фаол ишга киришдилар. Албатта, биринчи галда аҳоли ўртасида тарғибот, ташвиқот ишларини кучайтиришга эътибор берилди.

– Йўл-транспорт ҳодисаларининг аксарияти пиёдалар айби билан содир бўлаётгани сир эмас, – деди вилоят ИИБ ДАНБ бошлиғи, милиция полковниги З. Мухиддинов. – Шунинг учун ҳам биз доимий равишда олиб бораётган тадбирларимиз, яъни мактаблар, ҳўжаликлар, ташкилотлар, муас-

сасаларда, маҳаллаларда уюштирилаётган учрашув ва суҳбатларни янада кўпайтирдик. Айниқса, мактабларда ходимларимиз ўқувчилар билан кўчаларда амалий машғулотлар ўтишгаётгани ҳам қизиқарли, ҳам фойдали бўлмоқда. Бу борада Ғулистон шаҳрида амалга оширилаётган ишларни айтиб ўтиш мумкин. Шунингдек, Сирдарё шаҳри, Оқ олтин, Ш. Рашидов, Ховос, Сайхунбод туманларида ҳам тадбир фаоллиги билан ўтказилляпти.

Тўғри, автоҳалокатлар камайди, бироқ бу билан ДАН ходимлари хотиржам бўлишлари мумкин эмас. Чунки, шаҳарларда катта йўлларни кесиб ўтаётган, дуч келган жойга автомашинасини қўйиб, ҳаракатланишга ҳалақит бераётган кишилар камаймаяпти. Айрим, ҳўжалик ва ташкилотлар носоз автомашиналарни ишга чиқаришяпти, натижада автоҳалокатлар рўй бермоқда. Шунингдек, маст ҳолда руль бошқараётган ҳайдовчиларни истаганча топиш мумкин. Бу эса ДАН ходимларидан янада фаол ишлаб, ҳар қандай кўнгилсизликларнинг олдини олишда адолат юзасидан иш туттишларини талаб этади.

Д. МУРОДОВ,

милиция старшинаси.

НАФОСАТ БАЙРАМИ

ҳида тўхталиб ўтди.

Йиғилганларни ИИБ Хотин-қизлар қўмитаси раисининг ўринбосари, милиция подполковниги Ж. Қайомов ва ҳам самимий табриклади.

ИИБ Фахрийларни ижтимоий қўллаб-қувватлаш жамоатчилиги марказининг раиси, истеъфодаги милиция генерал-майори Ф. Раҳимов опасингилларимизни байрам билан қутлаб, оилада аёлнинг ўрни ҳақида алоҳида тўхталиб ўтди.

Байрамга хизмат кўрсатган артист Н. Ҳайдаров, Т. Азизова, У. Ҳамдамов ва бошқаларнинг сермазмун кўшиқлари, халқ артистлари Ё. Аҳмедов, Т. Мўминовларнинг илиқ табриклари ўзгача руҳ бағишлади. Г. Зокирова ва Ж. Зокировлар ижросидаги "Эргинамнинг орзуси" комедияси эса ўзининг ҳаётийлиги билан йиғилганлар учун ҳақиқий байрам совғаси бўлди.

Ўз мухбиримиз.

ТАНТАНАЛИ КҮН

Коровул қўшинлари Бош бошқармаси ҳовлиси байрамона тусда. Эрталабдан карнай-сурнай садолари теварак-атрофга тўйдан дарак беряпти. Ҳарбийларга ва таширф буюрган меҳмонларга сотувчилар энг шимариб хизмат қилишяпти. Бош бошқарма жамоаси аъзоларининг генераллардан тортиб оддий аскарларгача қувончлари чексиз. Бу бежиз эмас, албатта. Бу кун коровул қўшинлари бир йиллик ёш тўйини нишонляпти.

Ҳовлига кириб келаётган фахрийларнинг кети узилмайди. Уларнинг сочларига, қошларига йиллар қирови кўнган, юзларини ажин қоплаган. Лекин ўз қадрдонларини кўрган-да кўзларида ёшлик ёлқини ялт

этиб кетади. Кучоқлашганларида қувонч ёшларини яширмайди.

Тантанага республика Ички ишлар вазирининг ўринбосарлари Р. Қодиров, Ш. Мавлянов, Мудофаа вазири ўринбосари А. Исломов, ички қўшинлар бошлиғи Ж. Ғолимов ва бошқалар таширф буюришди. Бош бошқарма бошлиғи Қ. Алиев ўз маърузасида илгаридан ички қўшинлар таркибида фаолият кўрсатган коровул қўшинлари мавжуд бўлганини таъкидлади. У қисқа вақт ичида бошқарманинг оёққа туришида ўз масъулаҳатлари, йўл-йўриқлари билан ёрдам берган С. Буличев,

Е. Соколовский, Ф. Шлак каби фахрийларга миннатдорчилик билдирди. Йиғилганлар Б. Сирожиддинов, Г. Матюшин, В. Гудимов каби оламдан ўтган фахрийларни бир дақиқа сукут сақлаб ёд этишди.

Республика Ички ишлар вазири ўринбосари Ш. Мавлянов йиғилганларга вазирнинг қутловини ўқиб эшиттирди. Унда жумладан, "Коровул қўшинлари ҳарбийларининг ватанимиз тинчлиги ва оқсоқиллигини сақлашда, халқимизнинг фаровон ва осуда ҳаёт кечиришларини таъминлашда алоҳида хизматлари борлиги барчамизга аён" деб

бу қўшин тури фаолиятига юксак баҳо берилган эди. Шундан сўнг Ш. Мавлянов ҳукуматимизнинг ўша мураккаб вазиятда бу тарихий қарорни қабул қилганлиги, унинг аҳамияти ҳақида тўхталди. У Коровул қўшинлари қўмондонлиги жанговар хизмат топшириқларини бажариш билан бир қаторда шу қисқа муддатда Бош бошқарма тизимини тўла шакллантириш, жойларда унинг янги ҳарбий жамоаларини тузиш, бутлаш каби ташкилий вазифаларни ҳам муваффақият билан уддалаганини таъкидлади.

Шундан сўнг хизматда ўрнат

КҮН ТАРТИБИДА ГИЁҲВАНДЛИККА ҚАРШИ КУРАШ МАСАЛАСИ

Гиёҳвандлик моддаларини назорат қилиш халқаро қўмитасининг 1999 йил бўйича тайёрланган маърузасининг такдироти бўлиб ўтди.

"Одамлар ўзларини ҳалок қилишга уринаётган, ҳар қандай жамиятнинг келажаги бўлган ёшлар гиёҳвандлик моддаларига ружу қўяётган бир пайтда ҳеч ким четда қўл қовуштириб турмаслиги керак. Бефарқлик – гиёҳвандлик моддаларини савдо қилаётганларга эркинлик бериш демакдир".

Гиёҳвандлик моддаларини назорат қилиш Халқаро қўмитасининг (ГМНҚ) Тошкентда ўтказилган тақдиротида ҳавола этилган маърузадан келтирилган шу иборанинг ўзи заҳриқотилни тарқатиш нақадар хавфли эканлиги, ушбу ижтимоий иллатга қарши курашишга жаҳон ҳамжамиятини кенг жалб қилиш зарурлигини кўрсатиб турибди.

Мазкур маърузадан гиёҳвандлик моддаларини назорат қилиш билан боғлиқ талайгина миллий ва халқаро масалалар ўрин олган. ГМНҚ раҳбари бугунги кунда долзарб бўлган бир қанча муҳим мавзуларга эътиборни қаратган.

Шуни таъкидлаш лозимки, ҳозирда ривожланган мамлакатларда яшаётган кўплаб фуқаролар давлатини учун керакли бўлган дори-дармонларга етишмаётгани. Жаҳон ҳамжамияти тиббиётга керакли асосий наркотик дори-дармонларни тайёрлашга қаратилган омиллардан кенг фойдаланиши зарур. ГМНҚ халқаро ёрдам кўрсатиш Дастурини асосий наркотик дори-дармонларни халқаро фармацевтика бозоридан сотиб олишга қурби етмайдиган мамлакатларга бепул беришга қарар қилди.

Кўрилатгани чора-тадбирларга қарамай ноқонуний топилаётган даромадларни яшириш ҳолатлари давом этаёпти. Ҳуқуқий ва молиявий тизимдаги бундай бўшлиқ гиёҳвандлик моддаларини назорат қилишни кучайтиришга қаратилган ўзига хос чақириқдир. Шу билан бирга молиявий тизимдаги кўзбўямачиликларга чек қўйиш учун қатъий кураш олиб боришни талаб этади.

Айни пайтда ҳуқуқ-тартибот идоралари ўртасидаги халқаро алоқалар кенг йўлга қўйилди. Аммо суд идоралари ҳамкорлигини мустаҳкамлаш талаб этилади. Биргина Марказий Осиё минтақасини олиб кўрадиган бўлсак, Афғонистонда гиёҳвандлик моддалари ишлаб чиқариш ўсиб бораётгани кўпчилиги жиддий ташвишга солмоқда. Гиёҳвандлик моддалари у ердан турли йўللар билан қўшни мамлакатлар, шунингдек Европага олиб ўтилмоқда. Қуролларни контрабанда қилиш, террорчилик хара-

катларини фаоллаштиришнинг қуйи бўғини бўлган гиёҳвандлик моддаларини ноқонуний савдо қилишни байналмилаллаштириш тобора авж олмоқда.

БМТ бундай ҳолатдан келиб чиққан ҳолда Марказий Осиё мамлакатларига коррупция, терроризм ва уюшган жиноятчиликка қарши курашишда қўмаклашув лойиҳа ва дастурларини амалга ошириш орқали қатъий чоралар қўймоқда.

Ўтган йил октябр ойида Қирғизистондаги Чўлпон ота шаҳрида Марказий Осиёда гиёҳвандлик моддаларини назорат қилиш соҳасида ҳамкорлик қилиш Меморандуми иштирокчиларининг иккинчи якуний учрашуви бўлиб ўтди. Қозғоғистон, Қирғизистон, Россия, Тожикистон, Туркменистон ва Ўзбекистон делегациялари гиёҳвандлик моддаларининг ноқонуний айланишига қарши курашда ҳуқуқни муҳофаза қилиш идоралари ва махсус хизматлар фаоллигини оширишга йўналтирилган баённомани имзоладилар. Ушбу жараёнинг стратегик ҳолатини ошириш ва унга атрафлича ёндашиш мақсадида гиёҳвандлик моддаларини назорат қилиш бўйича минтақавий қўмита ва махсус жағарма ташкил этишга келишилди.

Шуни айтиб ўтиш лозимки, коммуникация, транспорт тизими кескин ривожланаётган бир даврда гиёҳфуруш тўдаларнинг хатти-ҳаракатлари ҳудудлар чегарасидаги чиқиб кетмоқда. Шу боис уларни бир мамлакат кучи орқали эплаш мушкул. Марказий Осиё давлатлари учун халқаро жиноят олами етакчиларини жазога тортиш, уларнинг гиёҳвандлик моддалари, қурол-аслаҳа савдосидан тушган ноқонуний даромадларини мусодара қилишга қаратилган самарали ҳуқуқий ҳамкорлигини йўлга қўйиш зарур.

Жорий йилда БМТ Бош Ассамблеяси томонидан уюшган жиноятчиликка қарши курашиш Конвенциясининг ана шу масалада БМТга аъзо мамлакатларга қўмаклашиш имконини берувчи лойиҳа ишлаб чиқилди. Марказий Осиё минтақаси давлатлари қўллаётган чора-тадбирлар гиёҳвандлик моддаларининг ноқонуний айланиши, диний экстремизм, халқаро терроризмга қақшатқич зарба беришига шубҳа йўқ. БМТнинг Марказий Осиёда гиёҳвандлик моддаларини назорат қилиш ва жиноятчиликнинг олдини олиш бўйича минтақавий ваколатхонаси Бошқармаси ушбу жараён кескин тус олиши учун бор куч-ғайратини аямайди.

бўлган ҳарбийларни муқофотлаш тўғрисида Ўзбекистон Республикаси Ички ишлар вазирининг буйруғи ўқиб эшиттирилди.

Фахрийлар номидан сўзга чиққан С. Буличев гарчанд коровул қўшинлари турли мамлакатларда турлича аталса-да, ҳамма давлатда бу турдаги қўшинлар мавжудлигини қайд этди. У коровул қўшинларига ҳеч қачон осон бўлмаганлигини, улар туну кун, қиш – ёзнангавар постда бўлишини эслатди. "Биз ўз таърибамиз, масъулаҳатларимиз билан жонажон қўшинларимизга ёрдам беришга доимо тайёрмиз", – деди фахрий сўзининг сўнгига.

Коровул қўшинлари қўмондони Қ. Алиев тантанали йи-

ғини якунлар экан, шахсий таркиб Ички ишлар вазирининг билдирган ишончини оқлашгани, бундан кейин ҳам тарбиявий ишларда, ҳарбий интизомни мустаҳкамлашда, хизмат вазифаларини бажаришда ютуқларни кўпайтириб боришини, ҳаммаша жанговар шай туришини билдирди.

Йиғин сўнгига шахсий таркиб ва таширф буюрган меҳмонлар учун мароқли концерт уюштирилди, байрам дастурхони ёзилди. Биз ўз навбатида бу ёш, навқирон Бош бошқарма ўзининг ўн, йигирма, элли йиллик тўйларини ҳам хурсандчилик, хизматда муваффақиятлар билан нишонлашини тилаб қоламиз.

Ўз мухбиримиз.

Қайси бир вилоят ҳудудига кирманг, дастлаб ДАН ходимларига дуч келасиз. Кишилар уларнинг ташқи кўринишларига, орасталигига, муомала маданиятига қараб бутун ички ишлар идораларига баҳо беришади. Бунинг учун ҳар кун тарқатиш тадбири чоғида ходимларимизнинг хизмат низомларига мувофиқ кийинганлигига эътибор берамиз, уларга йўл ҳаракати қатнашчиларига, умуман мулоқотга киришадиган барча фуқароларга нисбатан хушмуомала

Халолликдан гап очилди, яна бир масала устида тўхталмоқчиман. ДАН ходимининг назари тўқ бўлиши керак. У хизмат вазифасини суиистеъмол қилмаслиги лозим. Авваломбор, ҳукуматимиз осовишталик посбонларини муносиб ойлик маошлари билан таъминлаганлигини тан олишимиз керак. Баъзан турмушда бошинг бирор қийинчилик, мушкулот тушиб, киши зориқиб қолиши мумкин. Шундай пайтларда уларга моддий ёрдам кўрсатиб келинапти, токи улар ҳар қандай

САЪЙ-ҲАРАКАТЛАР НАТИЖАСИ

бўлишларини тайинлаймиз. Бундан ташқари ҳар жума кун саф кўриги ўтказилиб турилади.

Хизмат сифатини яхшилаш йўлларида бири ходимлар устидан тушадиган ариза ва шикоятларни ўз вақтида, диққат билан кўриб чиқишди. Ўтган йили 20 та ариза тушган бўлса, бултур уларнинг сони 7тага қисқарди. Аризаларнинг 9 таси ўз тасдиғини топмади, қолганлари бўйича ходимларга нисбатан тегишли чоралар кўрдик.

Режа бўйича ўқув машғулотлари, ходимлар малакасини ошириш ўз йўлига, лекин доимий назорат, хизмат натижаларини мунтазам таҳлил қилиб бориш ҳам зарур. Буларнинг самараси ўлароқ бултур интизомий жазога тортилганлар сони ҳам бирмунча камайди. Бунда, айниқса ахлоқ-одоб ва интизом суди муҳим роль ўйнайди.

Ҳар бир соҳада бўлгани сингари давлат автомобиль назоратида ҳам мутахассислар хизмат қилиши керак. Ходимлар ўртасида шаҳодатлаш ўтказганимизда бунга алоҳида эътибор бердик, ихтисоси тўғри келмайдиганлар бошқа хизматларга ўтишди. Бўшаб қолган ўринларга олий, ўрта-махсус техник маълумотга эга бўлган файратли, ҳалол ёшлар олинди.

вазиятда ҳам таъмагирликдан йироқ бўлишсин

Навий вилоят ички ишлар бошқармаси раҳбарияти ходимларимизнинг малакасини ошириш, бўлиналаримизнинг моддий-техник таъминотини яхшилаш масаласида ҳар томонлама ғамхўрлик қилиб келаяпти. Буларнинг барчаси ўз самарасини бераёпти. Ўтган йили вилоят бўйича йўл-транспорт ҳодисалари, уларда ҳалок бўлган лар сони камайди. Республика ДАН жамоалари ўртасида ўтказилган кўрик-танловда вилоятимиз вакилларининг фахрли биринчи ўринни эгаллашгани ҳам ана шу ғамхўрликларнинг, ходимларимиз саъй-ҳаракатининг меvasи бўлди.

Тўғри, ишимизда баъзи камчиликлар ҳам бор. Жумладан, йўл-транспорт ҳодисалари туфайли ҳалок бўлган болалар сони биттага, “тўқнашув” ҳодисаси ҳам биттага ошди. Бу борада жойларда йўл қўйилган нуқсонларни таҳлил қилиб, тегишли чоралар кўряпмиз. Мақсадимиз — Соғлом авлод йилида хизмат кўрсаткичларини ҳар томонлама яхшилаш, юртдошларимизнинг йўлларда ҳаракатланиш хавфсизлигини таъминлаш.

А. АХМЕДОВ,
милиция подполковниги.

ЮТУҚЛАР КАЛИТИ

Олимжон ўқувчилик йилларидаёқ милиция ходими бўлишни орзу қиларди. У мактабни битиргач, то ҳарбий хизматга кетгунча участка вакилига, пост-патруль хизмати ходимларига жамоатчилик асосида кўмаклашиб юрди.

1998 йил армиядан келиши билан Олимжон Марғилон шаҳар ИИБ раҳбариятига ўзини милиция сафига қабул қилишларини сўраб мурожаат қилди. Мана, шундан буён пост-патруль бўлинимасида хизмат қилиб келяпти.

Маълумки, бу хизмат ҳақиқий милиция ходими бўлишни истаган киши учун чинакам тажриба мактаби. Бу ерда жиноят-қидирув, тергов, паспорт, кўйинг-чи милициянинг барча соҳаси бўйича нимадир ўрганиш мумкин.

Бундан бир неча йил олдин Марғилонда ҳаммани ларзага келтирган қотиллик юз берди. 7 минг сўм пулни деб бир киши маҳалладошининг ҳаётига зомин бўлиб, ўзи тергов идораларидан бекинди. Қотил муқаддам судланган, қирқма милтиқ билан куролланган қотиллик ваҳшиёна усулда амалга оширилган эди. Юқоридагиларни назарда тутиб шаҳар ҳокимияти жиноятчини тутган шахс енгил автомашина билан тақдирланишини эълон қилди.

Олимжон пухталиқ билан иш тутди. У ўзи ишонган кишилардан қотил йигитнинг қабристонда тунаб юрганини аниқлади. Жиноятчини тутишга биринчи ўриниши муваффақиятсиз тугади — қотил Олимжонга

қарата етти марта ўқ узиб, мотоциклда қочишга улгурди.

Икки кундан кейин тунги соат 24.00 ларда Олимжон Марғилоннинг ипакчилар шаҳарчасида шериги билан патруллик қилиб юрганди. Рўпарасидан чиқиб қолган қотил ўзини тунги сменада қайтаётган одамлар орасига урди. Аммо Олимжон бу гал қулай фурсатни қўлдан бермади — у тезлик билан одамларни тарқатиб, қочишга уринаётган қотилнинг оёғидан яраллади.

Хавфли жиноятчини қўлга олгани учун Олимжон Ёқубов енгил машинадан ташқари “Милиция аълочиси” кўкрак нишони билан ҳам тақдирланди.

Олимжоннинг фикрича милиция ходими ҳамиша зийрак, ҳушёр бўлиши керак. Бир гал у ўртоғи билан Тошлоқ туманида яшайдиган бемор ҳамкасбининг ҳолидан хабар олгани кетишаётган эди. Рўпарадан келаётган “КамАЗ” автомашинасининг ҳайдовчиси хиёл энгашиб, улардан пана бўлишга уринганини пайқайди. Машинани тўхтатиб текшириб кўришганида 350 грамм кўкнори топиб олишди.

Бунақа мисолларни унинг фаолиятидан қўлаб келтириш мумкин. Менимча, киши ўз касбини севса, маҳоратини ошириш устида тинмай изланса, устозлар ўғитини ҳамиша қўлоғига қўйса, марра уники. Милиция старшинаси Олимжон Ёқубов, у сардорлик қилаётган бўлинима эришаётган хизмат натижалари бунинг ёрқин исботи.

М. КИМСАНБОВ,
милиция подполковниги.



Нишон тумани ички ишлар бўлимининг паспорт бўлинимаси ходимлари туман аҳолисига фуқаролик ҳужжатини бериш, доимий яшаш учун рўйхатга қўйиш, оилаларда уй дафтарларини текшириш каби ишларни бажаришда белгиланган режаларни одо этиш учун фаол ҳаракат қилишди. Милиция майори Эштемир Ҳакимов раҳбарлик қилаётган бўлинима ходимлари вилоятда намуна бўларли даражада хизмат қилишяпти.

Сиз кўриб турган суратда: милиция майори Э. Ҳакимов ходимлар билан.

Эшмурод МИРЗАЕВ
олган сурат.

Воқеа ўтган йил ёз ойларида содир бўлган эди. Эштемир эрталабдан синфдоши Лазизларникига борди. Бу пайтда Лазизнинг онаси сизир соғайганди. Эштемирни товушидан таниб ўғлини уйғотди. Лазиз билан Эштемир иккаласи алланималар хусусида гаплашиб олишди. Шундан сўнг Лазиз онасига “мен участкага кетдим” деганча ўртоғи билан бирга кўчага чиқди. Ўшанда кўксига бир нарса жиз этганини ёлғиз онаизорнинг ўзи билди.

Шаҳар чеккасида Эштемирнинг дадаси унга атаб янги уй солган. Унинг усти ёпилган, аммо сувоқ ишларида камчилиги бўлганлигидан бу уйга кўчиб киришмаган эди. Эштемир билан Лазиз янги ҳовлига киришиб, супа устига ўтиришди. Сўнг узум узишиб, нонушта қилишди.

— Мана бу уйда ким яшайди? — деди Лазиз кўшнининг баланд иморатига ишора қилиб.

— Гулбаҳор опа.

— Уйига гап йўқ. Нима иш қилади?

— Тижоратчи.

— Ўғирликка қирамизми?

Ҳозир уйда ким бор экан?

— “Разведка” қилиб кўриш керак. Ҳар кун кизчаси уйда қоларди.

Улар девордан мўралаб, ҳовлини кузатишди. Ҳеч қандай товуш, шарпа сезил-

БУ УЙДА КИМ ЯШАЙДИ?

мади. Дарвозага қарашса, қулфланмаган.

— Кетдик, — деди Лазиз боши билан дарвоза томон ишора қилиб. Иккаласи ҳовлига киришди. Уй икки қаватли бўлиб, пастки қават хоналари ҳали жиҳозланмаган эди. Юқорида кўтарилишди. Ҳамма хоналарнинг эшиклари очик эди. Гиламлар тўшалган. Меҳмонхонага ўтишди. Гилам устида қандайдир тугунда кийим-кечаклар, газламалар бор эди. Йигитлар ўшани олишнинг мўлжаллашди. Сўнг уларнинг кўзи устига кўрпа-тўшаклар тахланган сандиққа тушди. Лазиз кўрпа-ёстиқларни тезда пастга туширди-да, сандиқда турган қулфини зулфин билан узиб олди.

Сандиқ ичи турли хил қимматбаҳо матолар, аёллар, болалар, эркаклар кийим-кечаклари билан тўла эди. Икки ўртоқ ҳамма нарсани сандиқдан чиқариб олишди. Қизил духоба пардалар, дастурхонлар, матолар, турли бичимдаги ўғил болалар кўйлак-шимлари, аёллар зар рўмоллари, кўйлаклари, ипак газламалар, аёллар жемперларини оқ чойшабга туғишиб, кат-

такон тугунни иккаласи кўтариб Эштемирларнинг ҳовлиси томон девордан ошириб ташлашди-да, ўзлари ҳеч нарса кўрмагандек секин дарвозадан чиқиб кетишди.

Улар Эштемирларнинг янги ҳовлисида ўтишиб, девор тагидаги тугунни соммонхонага киритиб қўйишди. Сўнгра иккови Лазизнинг бувисиникига боришди. Онахон болаларни қорни оч бўлса керак, деб гиргиттон бўлиб, “ўтиринглар, чой дамлайман” деганига қарамадан улар кўчага чиқибди. Лазиз кўчадан ўтаётган ўртоғининг велосипедини сўраб олиб Эштемирга “кетдик” дея ишора қилди. Момо бундан хавотирга тушибди.

— Болаларим, қаёққа кетяпсизлар? Ахир, туш бўлиб қолди, чой тайёр, — деган эди, Лазиз “балиқ овлаб келамиз” деганча Эштемир билан велосипедга мингашиб жўнаб қолди.

Аёл газламалар, кийим-кечаклар ўралган тугунни икковлон велосипеднинг орқа тарафига ортиб, тўппа-тўпри туман нефть маҳсулотлари таъминоти идораси томон йўл олишди. Идора

биносининг ёнида эшик-де-разалари синган, ташландиқ савдо дўкон бор эди. Тугунни ана шу жойга бериштириб, ўзлари уй-уйларига тарқалишди.

Гулбаҳор опанинг қизи Чарос мактабдан келса, сандиқ устидан туширилган кўрпа-тўшаклар уйда тўзғиб ётибди. Қизча уйдаги бундай тартибсизликдан ҳайрон бўлмади. Чунки илгари ҳам онаси сандиқдаги нарсаларни титқилаб, сўнгра йиғиштирмасдан шошилиб кетган ҳоллари кўп бўлган.

Гулбаҳор ўша кунни бозордан эрта қайтди. Чарос онасига пешвоз чиқиб:

— Ая, меҳмонхонадаги кўрпаларни сандиқдан сиз туширдингизми? — деб сўради.

— Йўқ, қизим, — ҳайрон бўлиб қизига қаради Гулбаҳор ва шошиб сандиқни очиб кўрди. Унинг ичи бўмбўш эди.

— Вой ўлай, шўримиз қурибди, болам. Уйга ўғри кирибди-ку. Сен қаерда эдинг? Ахир, уларнинг эшигини қулфлаб юргин, деб тайинлаган эдим-а. Чоп, қўшниларга бор. Сўраб-суриштир. Вой ярамастарей...

Гулбаҳор ўзи ҳам қизи-

нинг ортидан кўчага чиқди. Унинг юраги гуп-гуп урарди. Ўғрининг дарагини суриштирди. Кўчада ўйнаб юрган болалар Эштемир ҳовлисида бир нотаниш бола билан келганини кўришганини айтишди. Яна кимдир тушликдан сўнг икки бола велосипед орқасига бир этак юк ортиб кетганлигини кўрибди.

Гулбаҳор ўғирлик юзасидан туман ИИБга хабар берди. Воқеа жойига етиб келишган ЖКБ вакиллари, тергов гуруҳи, участка инспектори энг аввал гумон қилишиб Эштемирларнинг янги ҳовлисини кўздан кечирди. Хуллас, бу ўғирлик воқеасига дахлдор бўлган барча далил-ашёлар ўша ташландиқ дўкондан топилиди.

Лазиз билан Эштемир иккаласи ўша кунни кўшни уйда ҳеч ким йўқлигидан фойдаланиб, у ердан жами 33.615 сўмлик мулкни ўғрилаб чиқиб кетишган эди.

Суд ҳукми билан Лазиз Бахтиёров ва Эштемир Ҳайдаровларнинг ҳар бири тегишли муддатга озодликдан маҳрум қилинишди.

Эндигина 18-19 ёшга тўлган бу йигитлар ота-она-

си, бутун қариндош-уруғларини номусга қўйишди. Хўш, инсоф билан айтингчи, бу жиноят қандай қилиб содир бўлди? Болаларни ўғирлик қилишга бошловчи асосий омиллар нима? Қўшнисининг бойликлари, уй-жой қуришда устунлигини кўролмаслигими? Ўғирликни Эштемир эмас, аксинча Лазиз таклиф қилган-ку. Аммо бу ерда бири таклиф қилган, иккинчиси унга эргашган ёки бўлмасам бири айблону иккинчиси гуноҳсиз дейиш мантиқсизлик. Суд ҳайъати адолатли тўхтамга келган. Уларнинг ҳар иккаласига нисбатан бир хил жазо белгиланган. Чунки, улар тенгдош, сирдош, ҳамфикр, ҳамкор бўлишган.

Бизнинг фикримизча, икки ўртоқнинг жиноят кўчасига кириб кетишида аввало ота-она айбдор. Ўқимайдиган, ишламайдиган, ота-она қарамағидаги вояга етган бола бугун бўлмаса эртага қинғирлик кўчасига қадам босиши ҳаммага аён. Демак, оилада бола тарбиясига эътибор суст бўлган. Халоллик, ахлоқ ва одоб, ўзаро ҳурмат, аҳиллик, ҳамкорлик руҳида тарбия топган болалар ҳеч қачон бундай қабиҳлик қилишмайди. Улар ота-онасининг юзини ҳеч қачон ерга қаратишмайди.

Абдуқаҳҳор ЭЛМИРЗАЕВ.

Турмуш чорраҳаларида

Абдуваҳоб билан унинг турмуш ўртоғи Мавлудахонлар айвондан келган эркак кишининг баланд товушидан чўчиб уйғондилар. Улар ўринларидан туриб улгурмасларидан, ичкарига Ботир кириб келиб, дўқ қила бошлади.

— Пулдан бер.

Табиийки, Ботир маст эди.

Унинг феъли шунақа.

Ичкилик натижасида

кимдан бўлса пул

сўрайверади. Пулга эса

ароқми, виномни олиб

ичади. Мавлудахоннинг жаҳли

чиқди.

— Бир ками уйга бостириб кириши қолувди. Кўча-қўйда пул бер, деб тинч қўймагани етмагандек, энди уйга ҳам кирадимиз. Ҳозир милицияга кўнғироқ қиламан.

— Шошмай тур, у билан ўзим гаплашаман, — уни қайтарди Абдуваҳоб ва Ботирга пул бериб, уни кўчага чиқариб юборди.

Улар шу тун қандай дам олганларини ўзлари ҳам билишмайди. Эрталаб эса, Мавлудахон отлана бошлади.

— Қаёққа? — ҳайрон бўлиб сўради Абдуваҳоб.

— Қаёққа бўларди, милицияга.

— Эсингни едингми, одамлар нима деб ўйлайди. Ярим тунда Бо-

тир Мавлудахон ётган уйга кирибди, дейишларини хоҳлайсанми? Мен одамлар юзига қандоқ қарайман. Улар бошқача ўйлашлари мумкин. Ботир билан ўзим юзлашиб, гаплашиб оламан.

Бу гаплар Мавлудахонга қор қилмади, отасиникига кетиб қолди.

АДОВАТ МЕВАСИ

Абдуваҳоб акаси билан биргаликда бешик ясайди. Кечаги воқеадан кейин қўли ишга бормай, бир амаллаб кунини ўтказди.

Оқшом чоғи акасига юрак ёрди. Акаси унинг ҳолатини тушуниб, келинини олиб келиш учун укасини бошлаб йўлга тушди. Йўлда уларга Ботир йўлиқди.

— Э, ака-ука. Қандай яхши. Ана энди икковларинг бир бўлиб, ароқ олиб берасан. Йўқса, ўтказмайман.

Йигитлар у деб кўрди, бу деб кўрди. Иложи бўлмади. Абдуваҳобнинг жаҳли чиқа бошлади.

— Ботир ака, кўп бошни қотирманг. Ўзи хотиним кетиб қолиб, хуноб бўлиб юрибман.

— Э, ўша хотинингни...

Абдуваҳобнинг акаси вазият-

ни тушунди. Ундан осонликча қутулиб бўлмасди. Хуллас, ака-ука Ботирни етаклаб дўконга боришди. Бу ерда улар вино олиб ичишди. Абдуваҳобга ҳам ичиришди. Ботирнинг эса нафси тийилмади. Энди ароқ ичгиси келиб қолган эди. Абдуваҳобни уйига жўнатар экан, Ботирни етаклаган унинг акаси йўл-йўлакай Андижоннинг "Қўшарик" даҳа-

Улар ошхонага етиб келганларидан акаси билан Ботир ҳали қўзғалишмаган, аксинча, иштаҳа билан овқатланишар, ароқ ичишарди. Абдуваҳоб ҳам уларнинг қистови билан ароқ ича бошлади. Маликжон эса ичмади. Вақт алламаҳалга борганда улар қайтмоқчи бўлдилар. Маликжон такиси тутишга, акаси эса ошпаз билан ҳисоб-китоб қилгани кетди.

Ботир Абдуваҳобнинг елкасига қўлини ташлаганча, кўчага чиқди. У ким билан кетаётганлигининг фарқига бормас, ҳар икки гапининг бирида ҳақоратомуз сўзлар ёғдирадди. "Хотинингни..." деган сўзларни жаҳл оташида ёнаётган Абдуваҳоб кўтара олмади, қўйнидаги пичоқни олди-да, Ботирнинг кўкрагига уч-тўрт мартаба урди. Бир эмас, бир неча жойидан жароҳатланган Ботир ерга кулади. Абдуваҳоб нима қиларини билмай қолди. Вақтни бой бергиси келмай, қоча бошлади. Чопиб борар экан, қаршисидаги ариққа тушиб кетди. Ариқда эса сув тез оқар, бемалол одамни оқизиб кетиши мумкин эди. Абдуваҳоб орадан қанча вақт ўтганлигини билмайди. Кўзини очганда милиция ходимларини кўрди...

Саминжон ҲУСАНЗОДА,
Андижон вилояти.

ШУМҚАДАМ МЕҲМОН

Меҳмондўст халқимиз юртимизга ташриф буюрганларни кучоқ очиб кутиб олади. Дастурхонига борини тўкиб, азиз киши сифатида сийлайди. Бироқ, кейинги пайтларда қўшни республикалардан айрим кишилар келяптики, уларни меҳмон деб аташга тил бормайди. Ёмон ният билан ташриф буюраётган кимсаларнинг ноҳўя ҳаракати ички ишлар идоралари ходимларини доимо хушёр ва сергак бўлишларини тақозо этмоқда. Тожикистонлик Раҳматулла Абдурашулов Гулистонга қариндошларини кўргани келган. Лекин унинг қариндошларига нисбатан меҳр-оқибат юзасидан эмас, балки қора ниятда келгани маълум бўлиб қолди.

Навбатдаги тадбирда иштирок этаётган Сирдарё вилояти ЖҚБ бўлинма бошлиғи, милиция подполковниги Б. Мусаев ва ЖҚБ катта тезкор вакили, милиция капитани Д. Ирисалиевлар хонадонларда ўғри мушукдай пусиб, олазрак бўлиб юрган бу шахсни кўриб шубҳаланадилар. Уни холис гувоҳлар иштирокида текшириб кўришганда кийими орасига целлофан халтада етти кило қорадори жойлаб олгани маълум бўлди. Бу шумқадам меҳмоннинг "совғаси" йўқ қилинди ва ўзига тегишли чора-тадбирлар кўрилди.

Д. МУРОДОВ,
милиция старшинаси.

РОЛНИ ЯХШИ ИЖРО ЭТОЛМАДИ

Бу воқеа Қўқон шаҳрида бўлиб ўтди. Шаҳардаги болалар боғчаларидан бирида милиция чақирувчи бўлди. Навбатчилик қисмига хабар қилган шахс, болалар боғчасини хўжалик ишлари бўйича мудир ўринбосари экан. Хабар беришларича унинг қўлоғини боғлаб, сейфдаги 200 минг сўм пулни ўғирлаб кетишган.

Тезкор гуруҳ воқеа жойига етиб борганда, хўжалик мудир ўринбосарининг қўллари боғланган, беҳуш ётарди. Унинг тепасида эса дўхтир турарди. Сейфлар очик, ҳаммаёқ титилган ҳолда.

Аммо синчков ходимлар хўжалик мудир ўринбосарини ётган жойида ҳам кўздан қочиришмади. У бўлса ҳамма нарсани эшитиб ётарди. Бир наст уни кузатиб туришганларидан беҳабар бу инсон, аста кўзини очиб қаради ва милиция ходимлари уни кузатиб турганлигини кўриб, дарров юмиб олди. Зийрак ходимлар эса бу инсценировкага хулоса чиқариб адашмаган экан.

Маълум бўлишича, мудир вақеадан бир кун аввал ходимларига маош олиб келган. Маошдан тарқатилиб улгурлмаган 200 минг сўм пул қолган, шунинг учун мудир ўзини хўжалик ишлари бўйича ўринбосарини қоровулга ҳамроҳ бўлиб шу кеча боғчада қолишини тайинлаган. Тонга яқин қоровул, поношталикка уйдан егулик олиб келиш учун кетганда, 26 ёшли ўринбосар вақтдан унумли фойдаланиб мўмай, текин пул ишлаб олмақчи бўлган ва саҳна асарини ўйлаб, бош ролни ўзи ўйнаган.

Бошланиши албатта, яхши чиққан, лекин охирига келиб яхши тугамади. Боланақир жиноятчиликда айбланди.

К. МУҲАММАДРАСУЛОВ.

Ҳамид эрталаб ишхонасига келди. У кунлик ишлар тақсимлангунча ҳамкасблари билан гурунглашиб ўтирди. Тош юклайдиган трактор носозлиғи туфайли Ҳамиднинг машинаси ишсиз қолди. Бошқарма раҳбарияти унга машинани ишхонада қолдириб, бошқа юмушларга ёрдамлашиб туришини ай-

ларига ҳам қўл урмади. Шу пайт кўча томондан кимнингдир чақиргани эшитилди. Ҳамид елкасига чопинини ташлаб ташқарига чиқди. Дарвозада қорачадан келган, узун бўйли нотаниш бир йигит турарди. Ўзини Ренат деб таништирган бу йигит саломалиқдан сўнг мақсадга ўтди.

— Бир илтимос билан кел-

Ҳамид: — Яна озгина кўшинг. — Бир қоп туз 3000 сўмдан ошади, рози бўлаверинг. Ҳамид бироз ўйларинг турди-да, майли дегандек бош силкиб, кийиниб чиқди. Ҳашпаш дегунча тузни машинага ортишди. Ҳамид йўл варақаси бўлмаса-да, машинани "Ғалаба" жамоа хўжалиғи томон ҳайдади. Кимирлаган

ҚАЙСАРЛИК ОҚИБАТИ

тишди. Бу таклиф Ҳамидга маъқул тушмади. У машинани уйга ҳайдаб кетиб, шахсий манфаати йўлида фойдаланмоқчи бўлди. Аммо раҳбарлар унинг бу хатти-ҳаракати қатъий қарши чиқишди. Қайсар ҳайдовчи ўз билганини қилди. У ҳеч кимдан сўраб ўтирмасдан ўзига бир китилган КРАЗ-256 русумли давлат рақами 09-24 ХЗЛ бўлган автомашинани ўзбошимчалик билан уйга ҳайдаб кетди. Иш жойидаги масъул ходимлар "ҳай-ҳай" лаганича қолаверди.

Машинани уйига олиб келган Ҳамид иссиққина печ ёнига ёнбошлади. Иш жойидаги ёшулларига бўш келмаганлигидан ғурурланиб қўйди. У тушганча уйда телевизор кўриб ётди. Уй юмуш-

гандим, — тортинибгина гап бошлади Ренат. — Қишлоғингиздан уч тоннача туз сотиб олгандим. Шуни "Ғалаба" жамоа хўжалиғидаги дўконга олиб бориб беролмайсизми?

Ҳамид йўлнинг яқин эмаслиги учун ҳамда Ренатнинг хизмат ҳақидан оғиз очмаганлигидан ўйланиб қолди. Ҳамиднинг иккиланган тургани сезган Ренат яна гап бошлади:

— Ҳеч тортинмасдан айтаверинг, хизмат ҳақингизни бераман.

— "Ғалаба" жамоа хўжалиғи анча узоқ, — нархини оширмоқчи бўлди Ҳамид. — Майли розиман-у, қанча берасиз?

— Бир қоп туз бераман.

— Бу кам, — бош чайқади

қир ошар деганларидек, бир зумда манзилга етиб келишди. Ренат иши битганидан хурсанд бўлиб қолди, Ҳамид эса бир қоп тузлик бўлганлигидан севиниб ортга қайтди. У шом олдида Богот туман марказига етиб келди. Йўл устидаги дехқон бозорида пишиб турган кабоб ҳиди машинадан эндигина тушган Ҳамиднинг иштаҳасини қитқилади. У чарчоқни ёзиш мақсадида бир шиша вино олди-да, пиёлани тўлдириб симирди. Сўнгга кабоб буюрди. Қайфи ошган Ҳамид қоронғу тушганда Богот марказидан чиқди. Ҳамид машинанинг чироқларини ёқмоқчи бўлди. Аммо чироқларнинг бирортаси ҳам ёнмади. У таваккалига машина бошқаришда давом этди. Устига-

Жиноятчи жазосиз қолмайди

устак ҳозиргина ичилган вино ҳам ўз таъсирини ўтказиб бошлади. Ҳамид йўлни аниқ кўрмасада, машинани тўхтатмади. Қарама-қарши томондан келаётган "Жигули" автомашинаси ҳайдовчиси Сапарбой Жуманазаров йўл четига чиқиб кетгудек бўлиб келаётган чироқсиз автомашинани кўриб, машинасини четга олди. Ҳайдовчи ухлаб қолган бўлса керак, деган ҳаёли борди. Машина йўл қирғоғи бўйлаб келаверди. Сапарбой ака дарҳол машинасини четга чиқариб тўхтатди. Рўпарадан келаётган чироқсиз юк автомашинаси эса йўл чеккасидан бораётган кишини уриб юборди. Буни кўриб турган Сапарбой ака гангиб қолди. Юк автомашинаси ҳайдовчиси ҳеч нима бўлмагандек йўлда кетаверди. Сапарбой ака ёнгинасидан ўтиб бораётган автомашина ҳайдовчисини қичқириб тўхтатди.

— Ҳой ошна, нима қилганингизни биласизми? — деди Сапарбой ака машина эшигини ярим очганча ўтирган Ҳамидга яқинлашиб.

— Нима қилибман? — деди ҳеч нарсадан хабари йўқ Ҳамид.

— Кимнидир машинангиз билан уриб юбордингиз.

Ширакайф Ҳамид бир сапчиб тушгандек бўлди. Бир

зумда кайфи тарқаб ўзига келди. Улар йўл чеккасида ётган киши томон югуришди. Ҳамид юзтубан қонга беланиб ётган кишини тургазмоқчи бўлди. Аммо тана жонсиз эди. Зудлик билан "тез ёрдам" машинаси, милиция ходимлари етиб келишди.

Инсон лоқайд, бепарво, масъулиятсиз бўлса, ёруғ кунлари ҳам зулматга айланиб бораверади. Ҳамид ҳам ўз тақдир йўлини ўзи ўзгартирди. Ўзбошимчалик билан иш жойидан машинани олиб кетмаганида, ундан шахсий манфаати йўлида фойдаланмаганида ёки ичкилик ичмасдан машинани соҳада бошқарганида эди бундай мудҳиш воқеа юз бермаган бўларди. Қолаверса, ҳали ҳаётнинг ширин дамларини тотиб улгурмаган 26 яшар Ҳамдам Қўрғовнинг ҳаётига зомин бўлмасди.

"Аянчли тақдир осмондан тушмайди, у инсоннинг аҳмоқлигидан келиб чиқади", деган эди итальян меъмори Леон Альберти. Ҳа, Богот туманининг Навоий номи жамоа хўжалиғида яшовчи Ҳамид Ўрозметов ҳам судда қилмишидан минг бора пушаймонлигини айтди. Аммо бу сўнгги пушаймон ўзгарган тақдирни яна аввалги изига солиб юборишга ожиз эди.

Эркин ҲУСАИНОВ,
милиция майори.

Жиззах вилояти Жиззах шаҳар ИИБ томонидан жиноят содир этиб, терговдан яшириниб юрган қуйидаги шахслар

ҚИДИРИЛМОҚДА



Акбердиев Уалихан Молдахонович, 1954 йилда туғилган, миллати қозоқ, Жиззах шаҳар, "Зилпол" маҳалласи, 1/2-уй, 1-хонада яшаган.



Булгучев Михаил Мажитович, 1958 йилда Чеченистон Республикасида туғилган, Жиззах шаҳар "Кимёгар" маҳалласи, 7-уй, 16-хонада яшаган.



Жабборов Усмон Маматкаримович, 1950 йилда Бухоро вилоятида туғилган, миллати ўзбек, Жиззах шаҳри, Хайробоҳ кўчаси, 16-уйда яшаган.



Белоусов Сергей Викторович, 1976 йилда туғилган, миллати рус, Жиззах шаҳар "Заргарлик" маҳалласи, 2-уй, 20-хонада яшаган.



Лачин Тарас Владимирович, 1974 йилда туғилган, миллати рус, муқаддам судланган, Жиззах шаҳар, Ўзбекистон кўчаси, 37-уйда яшаган.



Қосимов Баҳром Усанович, 1972 йилда Жиззах шаҳрида туғилган, миллати ўзбек, Жиззах шаҳри, Зомин кўчаси, 51-уйда яшаган.



Китайкин Олег Юрьевич, 1971 йилда туғилган, миллати рус, Жиззах шаҳри, К. Имомов кўчаси, 36-уй, 11-хонада яшаган.



Абдурманов Рамил Равилевич, 1975 йилда туғилган, миллати татар, Жиззах шаҳар, Иванов кўчаси, 23-уй, 1-хонада яшаган.

Юқорида номлари келтирилган шахсларни кўрган-билганлар яқин ўртадаги милиция бўлинмасига хабар беришларини сўраймиз.

ИИБ Матбуот маркази хабар қилади

ҚИСКА ХАБАРЛАР

Эллиқалъа туманилик Шавкат Муллаев, Шукур Охунов ҳамда Дониёр Рўзमतовлар танишлари Фарида Яхшиева ва Маъсума Собирова-ларни йўқлаб боришди. Мақсадлари аёллар билан базм қилиш эди. Мезбонлар уларни илиқ кутиб олишди. Зиёфат бошланиб, ҳамманинг қайфи ошди. Бироқ, йигитлар ўз мақсадларига эриша олмаётганлари учун ўзаро жанжал чиқаришади ва "тихирлик" қилган мезбонларни пичоклаб ўлдирадилар. Излари-ни йўқотиш мақсадида газ плитасини ёқиб, очиб кетишади. Шу туфайли ёнғин чиқиб, уйнинг бир хонаси ёнади. Натижада, шу уйда бўлган, уларнинг фарзандлари Хумора, Жавахир, Аваз ва Давурлар тутундан заҳарланиб, воқеа жойида вафот этадилар.

Ушбу жиноятни содир қилган Ш. Муллаев, Ш. Охунов ва Д. Рўзमतовлар ушландилар.

Наманган вилояти Уйчи

шаҳарчасида яшовчи Фуломжон Олимовнинг уйига номаълум шахс томонидан қўрқитув ва дўқ-пўписа гаплардан иборат бўлган хат ташлаб кети-либ, унда 3 миллион сўм пул талаб қилинади. Пул айтилган вақтда белгиланган жойга олиб боришга оқибати хунук бўлиши қайта-қайта таъкидланади. Бироқ, Фуломжон Олимов ҳеч ҳам саросимага тушмай ўз вақтида вилоят ички ишлар бошқармасига мурожаат этиб, ҳолатни маълум қилди. Тезкор қодимлардан иборат махсус гуруҳ товламачи шахсни жиноят устида қўлга олиш чорасини кўрди ва бу тадбир муваффақиятли амалга оширилди. Товламачи Уйчи шаҳарчасида яшовчи Фарҳод Набиев бўлиб қикди.

Андижон шаҳрида навбатдаги олиб борилган тадбир жараёнида илгари судланган, ҳеч қаерда ишламайдиган Нодир Мақсудов, шу шаҳарда яшовчи Оллоёр Эгамовга 650

грамм сариқ металл қуймасини 2800 АҚШ доллариға нархлашиб 5000 сўм пулни олаётганида ушланди.

Яккабоғ туманида яшайдиган 75 ёшли онахон Гулсара Халилованинг 4 бош қорамолига номаълум шахс кўз олайтириб, томорқасидан қайдасан бозор дея ҳайдаб кетади. Аммо, милиция ходимларининг тезкор ҳаракатлари натижасида ўғри ашёвий далиллар билан қўлга олинди. У Шахрисабз туманида яшовчи Аббос Остонов экан.

Хоразм вилояти Питнак шаҳрида "DAEWOO" русумли автобус текширилганида, сурхондарёлик йўловчи ҳеч қаерда ишламайдиган Ҳақберди Хушвақтовнинг ёнидан 150 грамм героин топиб олинди.

Шерали АНВАРОВ,
ИИБ Матбуот маркази инспектори
милиция старшинаси.

СУРАТЛИ АХБОРОТ



Милиция идораларининг навбатчилик қисмига ҳудуддаги тезкор вазиятнинг барча ахборотлари келиб тушолади. Бу қисмда ходимлар олоҳида иш тартибиде бўладилар. Ҳар қандай ташвишли хабарга шай туришлари, қалтис вазиятни тўғри баҳолаб, тезкор гуруҳни воқеа жойига тезда етиб боришларини ташкил этилишини таъминлашлари керак.

Суратда: Самарқанд шаҳар ИИБ навбатчилик қисмининг тезкор навбатчиси майори Р. Мавлонов ва унинг ёрдамчиси, милиция сержанти Э. Улугмуродовлар хизмат пайтида.

А. САПАРМАТОВ
олган сурат.

САНЪАТКОР ПОСБОНЛАР

Биз Қашқадарё вилояти ички ишлар бошқармасига ташриф буюрдик. Ҳамма ерда бўлганидек бу ерда қутилмаган тасодифлар; қувончу ташвишлар етарли экан.

Вилоят ИИБ "Қўриқлаш" бошқармаси бўлинма сардори, милиция капитани Тошмурод ака Эшмуҳамедов билан суҳбатлашдик.

— Тошмурод ака ўзингиз ва иш фаолиятингиз ҳақида озгина сўзлаб берсангиз?

— Мен 1951 йилда Қашқадарё вилоятида туғилдим. Раҳматли отамизни Эшмуҳаммад шоир деб чақиришарди. Билмадим улардан менга ҳам озгина ўтганми, санъатга қизиқишим катта. Оилам тўғрисида сўрасангиз, биз жуда бахтли ҳаёт кечириаямиз. Иш фаолиятимга келсак, мен 1980 йилдан бери вилоят ИИБ "Посбон" дастасининг бадий раҳбариман.

Инсон ёшлигидан олдиға мақсад қўйиб яшайди. Мен ҳам шу мақсадимга эришдим десак бўлади. Хусусан ўзимиз ҳам катта ижодкорлар, санъаткорлар расмларини кўринарли жойга қўйиб, улардан фахрланиб катта бўлганмиз. Кейинги йилларда мунтазам равишда турли танловларда иштирок этаймиз.

Ўтган йили "Ўзбекистон — Ватаним маним" танловида қатнашиб, яхши натижаларга эришиб келдик. Шоирларимиз Абдулла Орипов, Абдураим Ибодов, Исмоил Тўхтамишев, Ўроз Ҳайдаров шеърлари билан, ижрочиларимиз милиция сержанти Баҳодир Мансуров ва Раҳима Сатторовалар, "Халқим омон сақла ўғлонларингни", "Ўзбекистон посбонларимиз", "Ўзбегим аёллари" қўшиқларини қуйлаб юқори ўринларни эгаллашди.

"Посбон" дастаси охириги марта 14 январда Ватан ҳимоячилари кунига бағишлаб шаҳар, туман ички ишлар идораларида концертлар берди.

Айнан ҳозирги пайтда Наврўз байрами олдида жиддий тайёргарлик кўряпмиз, сўнгра олдинда бизни бошқа-бошқа танловлар тадбирлар кутиб турибди.

— Тошмурод ака, сиз қўриқлаш бош-



қармасидаги ишларингиздан ташқари санъатта қандай қилиб вақт ажратасиз?

— Тўғриси айтганда бўш вақтнинг ўзи йўқ. Қўриқлаш бошқармасида ишларим ту-гагач, ижод қилиш, қолаверса бирон нарсага интилишим керак, деган ҳаёллар миямдан кетмайди. Бундай интилишлар инсон савиясини ўстирса ўстирадими, лекин ерга урмайди.

Асосан ниятим, санъатга кўнғил қўйган посбонларимизни обрўли санъаткор қилиб вояга етказиш.

— Суҳбатингиз учун катта раҳмат. Бундан буёнги ижодий фаолиятингизга омад кулиб боқсин, ўйлаган ниятларингизга етиб, санъатдаги обрўингиз ҳозиргидан ҳам зиёда бўлсин.

Суҳбатдош
Жамшид ҒОИПОВ.

Суратда: Баҳодир Мансуров "Халқим, омон сақла ўғлонларингни" қўшигини қуйламоқда.

Эрталаб қишлоқда туман ИИБ бошлиғи ва прокурорининг айланиб юриши кўпчиликни ажаблантирди. Хўжалик, ташкилот, фирма раҳбарлари бунинг сабабини билполмай, ҳадиксираб туришди. Кейин уларнинг ўзидан не боис кўча, далаларни кўздан кечириб юришганини эшитгач, кўнғиллари жойига тушди.

Маълум бўлишича эрталаб шу қишлоқдан кимдир, овлоқ жойда ўлик ётганини телефонда айтган. Туман ИИБ бошлиғи Ш. Сувонов тезда прокурор билан боғланиб Кўкбулоқ қишлоғига келишди. Қидирувга қишлоқ фаоллари ҳам қўшилишди. Соат ўнларда қишлоқ чеккасидаги тош йўлга яқин ҳарсанг ёнида айтилган мурда топилди. Бир оёғи протез, қозоқ миллатига мансуб, анча гавдали йигит экан. Куни-кеча Қозғистоннинг Жамбул вилоятидан бедарак йўқолган шахс ҳақидаги маълумотларга жуда ўхшаб кетарди. Туман милициясидан Қозғистонга тезда телеграмма жўнатилди. Номаълум кимсанинг қариндошлари етиб келишди ва уни олиб кетишди. Милиция ходимлари эса бу мудҳиш ишни амалга оширган шахсни қидира бошладилар. Шу ўринда Қозғистоннинг Жамбул вилоятидан бу мурда қандай келиб қолди деган савол туғилиши табиий, албатта. Шу боис воқеа тафсилотини Қозғистондан бошлаймиз.

Фарғоналик Муҳаммаджон жиноят содир этиб, қочиб кетади ва Жамбул вилоятидан паноҳ топади. У ердан ўзи

каби бир-икки таниш топиб, қишлоқ, овуллардан гўшт, сут олиб келганларни авраб, арзон-гаровга олиб, қимматига сотади. Шу орада унинг олди-кеанти андижонлик Нурбек келади. Муҳаммаджон уни илиқ кутиб олади. Чунки, илгари ҳамтовоқ бўлишганди. Нурбек икки-уч кун туриб, Тошкентга кетмоқчи бўлади.

— Дўстим, сизни бир танишимнинг машинасига солиб юбораман, уринмай Тошкентга етиб olasiz, — деди Муҳаммаджон кўлини кўксига қўйиб.

Шу ерда ивирсиб юрган навоийлик Равил унга ҳамроҳ бўлди. Икки қоронғу да топишган ва яна икки аёл Жонтой исмли йигитнинг "Москвич"ига ўтириб Тошкентга жўнашди. Узоқ йўл давомида икки-уч жойда тўхташга тўғри келди. Сой бўйида бироз дам олишганда, икки йигит дарахтзорга кириб чиқишди ва ўша ерда режа тузишди. Уларнинг мақсади машинани қўлга кири-тиш эди. Тошкентга келишгач Жонтойни аврай бошлашди.

— Укажон айтган пулимизга яна шунча қўшиб берамиз, у ёқда олма, узум кўп, юкхона тўлғунча олсиз.

— Божхонадан ўзимиз ўтказиб берамиз, Чимкент орқали кетасиз.

Хуллас Жонтой уларни Бахмалга олиб бориб қўйишга кўнди. Йўл-йўлакай йигитлар сиз меҳмонимизсиз, дея ҳайдовчини палов билан сийлашди. Ғаллаоролдан Бахмалга бурилганларида Жон-

тойнинг кўнғили сездимиз, ранги ўчиб, бормайман деб туриб олди.

— Э, укажон мана етиб келдик, бу ёғи икки километр қолди.

— Кимсасиз бир бало жоймасми?

— Нималар деяпсиз атроф-

МУТТАҲАМНИНГ ПАРВОЗИ

ни қаранг кўм-кўк, Қозғистон чўлимас.

Жонтой ноилож кўниб рулни Бахмал томон бурди. Бу ёқларни на Нурбек, на Равил билишарди. Бироз юрганларидан кейин Кўкбулоққа етишди, тош йўл тугай деганда орқада ўтирган Нурбек машинани тўхтатишни буюрди. Атроф зим-зиё, узоқда милтираб чироқ кўринади.

— Жонтой ука, мана етиб келдик, раҳмат!

Оёғи ногирон ҳайдовчи машинадан тушди ва пешоб қилиш учун ҳарсанг тош томонга юрди. Бу орада Нурбек катта тош олиб унинг ортидан борди ва бошига урди. Жонтой юз тубан йиқилди. Яна тирик қолмасин дея икки йигит уни тепкилашди, овози ўчгандан кейин, ўлганига ишонч ҳосил қилиб, машинада ортга қайтишди. Овлоқ жойда тунаб эрталаб Ғаллаоролга келдилар. Шаҳар деҳқон бозорида ўзларини тижо-

ратчи этиб таништириб, бир деҳқоннинг "КамАЗ" автомашинасига юкланган картош-касини савдо қилишди.

— Отахон ўзимиздан экансиз картошкангизни сотамизу пулини келтирамиз, гаровига мана шу машинани қолдирамиз.

Дехқон бу сўзамол илонни ёғини ялаган йигитларга лаққа тушди. Кечагина эгаси ўлдирилган "Москвич"нинг қалитини олганча, қолди.

Йигитлар бозорни қизитиб юбордилар. Бир машина картошка олти тонна қикди. Каттагина шаҳарда бир кундаёқ эл талашиб сотиб олди. Машина эгасини рози қилиб жўнатган йигитлар, энди яна кимнидир лаққа туширишни режалаштиришди.

Бозордан ўғирланган яна бир машина Самарқандда гаровга қолди ва ўрнига яна беш тонна картошка савдо бўлди. Шу зайлда икки "тижоратчи"нинг фаолияти қизиб кетди. Нурбекнинг номи Навоийдаги тижоратчиларга кенг тарқалди. Сурайё исмли бадавлат аёл Нурбекка ошпек бўлиб, тегиб олди. Нурбек аслида аёлни эмас, унинг бойлигини кўзлаб иш тутганди. Хаш-паш дегунча Нурбек дангиллама уйнинг

эркатой эркагига айланди. Равил эса қаёққадир ғойиб бўлди.

Унча-мунча одамни менсимаб, бойвачча эркаларга сўз бермайдиган Сурайёнинг Нурбекка бўйин эгиши кўпчиликни ажаблантирди. Шундоқ ҳам давраларда тўрдан тушмайдиган Сурайё, Нурбекдай тижоратчини топгандан кейин яна бир газ "ўсди". Икки гапнинг бирида Нурбекни мақтарди.

— Яхшиям эсим борида анави муаллимдан воз кечган эканман. Бахт қуши мени пойлаб турган экан.

Шундоқ ҳам ўйлашиб гаплашадиганлар икки кўча наридан ўтадиган бўлди.

— Нурбек поччамиз нима иш қиладилар.

— Тижоратчилар. Тошкентда, Жиззахда катта дўконлари бор. Бу ерда ҳам дўкон олиб мени номимга ўтказмоқчилар.

Аёллар Сурайёнинг оғзига қараб чарчамас, у эса мақтаниб жағи оғримасди. Чунки, Нурбек уни илондай авраб, ўзини катта тижоратчи қилиб кўрсатганди. Бу муттаҳам йигит одамларни лаққа тушириб олиб келган картошкаларни сотиб, ёнида даста-даста пул билан юрарди. Шунинг учун ҳам у Сурайёнинг уйига биринчи марта меҳмон, икки кун ўтиб эр сифатида кириб борди.

Ғаллаороллик милиция ходимлари марҳум Жонтойнинг қотили ва машинасини излашни тезкорлик билан олиб борардилар.

— Экспертларимиз мурда-нинг уч-тўрт кун аввал оғир жисм билан уриб ўлдирилганини аниқладилар. Бизга Қозғистондан келган маълумот ва марҳумнинг яқинлари айтишларига қараганда бу ногирон йигит "Москвич" автомашинасида бўлган. Унинг русуми ва давлат рақами бўйича қидирув бошладик, — деди Ғаллаорол туман ИИБ бошлиғи, милиция подполковниги Ш. Сувонов. — Дастлаб машинани топдик. Уни шу ерлик деҳқон олти тонна картошканинг пули учун гаровга олиб қолган экан. Ёзи билан меҳнат қилиб, етиштирган ҳосилидан ажраб, яна гаровга олиб қолган машинаси, қайсидир жабрдийданики эканлигини билгандан кейин, деҳқоннинг ҳолатини кўришнинг ўзи нақадар аянчли. Деҳқон бизга йигитларнинг кўринишини тасвирлаб берди ва Самарқанд томонга кетганини айтди. Ходимларимизни Самарқандга, Навоийга жўнатдик. Уни Навоий шаҳридан топиб келишди. Равил ҳам қўлга тушди.

Ҳа, ёши қирқларга борган, бирор жойда ёлчителиб ишламай юрган Нурбек муттаҳамликни тезда ўзлаштириб парвоз қила бошлади. Алдов, авраш, кези келганда қотиллик унга қанот бўлиб, тобора баландга қараб уча бошлади. Бироқ, унинг қаноти адолат, ҳақиқат нурига дош беролмай эриб кетди.

Садриддин
ШАМСИДДИНОВ,
Жиззах вилояти.

Инсон. Табиатнинг олий мавжудоти бўлиши инсоннинг саноати ва меҳрига, қабоҳати ва қаҳрига чегара йўқ. Улуғланган инсон тошда гул ундирса, лаънатланган инсон ям-яшил дарахт танасига бола уради. Яратувчи инсон чўлда боғ яратса қақшатувчи инсоннинг қадами теккан бўстон саҳрога айланади. Лекин инсон онадан қабоҳат, разолат ва лаънат билан туғилмайди. Илк бор кўз очиб, дунёни кўрган мурғак, бир парча эт — гўдакларнинг келгусида ким бўлиб, қай ҳолатда вояга етиши кўпроқ уни дунёга келтирган ота-она атрофида таъсирини ўтказиши мумкин бўлганлар ва у яшайётган, униб-ўсайётган муҳитга боғлиқ.

Ҳеч қайси ота-она “фарзандим улғайиб, жиноятчи

бўлсин” дея орзу қилмайди. Агар шундай орзу қилса — у ота-она, инсон эмас, ваҳшийдир.

Лекин, баъзан шундай ҳолатлар ҳам бўладики, арзимаган бир нарса, эътиборсизлик билан ташлаб қўйилган буюм катта бир жиноятга туртки бўлади. Зеро ота-боболаримиз “пичок, болта кабиларни юзага қўйма, кўздан панага қўй, бир фалокатни бошламасин”, — деб бекорга айтмаганлар. Қуйида Тошкент вилоят ИИБ матбуот гуруҳининг бошлиғи ички хизмат майори Р. Ёдгоров сузлаб берган воқеа ҳам худди ўша — бепарволик билан кесувчи буюмларни кўзга яққол ташланадиган жойга қўйилиши ва Самаднинг инсон тақдирига, ўз қилмишига бепарволиги оқибатида юз берган бўлса ажабмас.

Бир жиноят тарихи

ланадиган бирор бир жиҳати йўқ. Аксари узоқ-яқиндан бозорга келган деҳқонлар шу ерда овқатланади. Жихозлари ҳам шунга монанд. Ҳали тушликка эрта бўлса-да, “эрталабки савдо-савдо” деб тонг саҳардан бозорга келиб, оларини олиб, сотарини сотиб, кўнгли тинчигандан кейин қорни очганини ҳис қилган ўн-ўн беш одам икки-учтадан бўлиб доғ-дўғ бўлиб кетган столлар атрофида ўтирганича гангир-гунгир сўхбатлашиб, иштаҳа билан овқатланмоқда.

Ошхонага кириб, бир четда ўтириб вазиятни қўзатган икки тезкор ходим ичкарига, мусиқа овози янграб турган, чамаси, маҳсулот тайёрлаш хонасига ўтдилар. У ерда уч қиз картошка артар, бир йигит эса уларга орқа ўтирганича шатирлатиб сабзи тўғради. Шўх қўшиқ янграётган оддийгина магнитофон шундоқ рўпарага, ранги унниқиб кетган курсига ўрнаштирилган. Мусиқа овози баландлигидан кириб келган икки бегона одамни ҳеч ким пайқамасди: Уларга дастлаб кўзи тушган қиз ўрнидан турди-ю, “ким керак?” деди бир қўлида чала артилган картошка, пичоқли қўли билан пешонасига тушиб турган сочили беҳтиёр тўғрилади.

Кечирасизлар, — ходимлар йигитга мурожаат қилишди. — Ука, бир дақиқага мумкинми? Бегона одамларни кўриб қорача юзи пахтадек оқариб, кейин кул ранг тус олган йигит беҳтиёр ён томонга қаради. Ён томонда — қорайиб кетган ёғоч устундаги миҳда кўк рангли куртка осийлиқ турарди...

Ички ишлар бўлимига олиб келинган йигитнинг курткаси экспертларга топширилди. Самаднинг ўзи гувоҳлар олдида қўйлагининг кўкрак чўнтагидан тилла узук ва зиракни олиб, гуруҳ бошлиғига топширди.

Куртканинг бир неча еридаги қорамтир доғлар қон доғлари бўлиб, ўлдирилганларга тегишли бўлиб чиқди. Мархуманинг қўлида қолган мато парчаси куртканинг чап чўнтаги қопқоғи бўлиб, ўлчаб кўрилганда шундоқ жойига тушди. Чўнтакнинг иккинчиси ҳам жойидан юлиб олинган — бир томон чўнтаги қурбонининг қўлида қолганини кўрган қотил иккинчисини ҳам атайлаб олиб ташлаб, одамларни чалғитмоқчи бўлган.

Мен Мавлуда опани ёки болаларини ўлдираман деб хаёлимга келтирмагандим, — деди ички ишлар бўлимига келтирилган Самад Исоқов —

Абдуваҳобнинг ён қўшниси бўлган воқеани гапириб бера бошлади. — Ишхонадаги қизларга “магнитофон топиб келаман” деб ваъда бергандим. Улар ҳар куни қайта-қайта бу ваъдамини эслатиб, таъна қилиб, устимдан кулаверишди. Ўзимнинг магнитофоним йўқ эди. Ўйлаб-ўйлаб Абдуваҳоб аканинг магнитофини олиб чиқиб кетишга аҳд қилдим. Қўшничилигимиз боис унинг уйига тез-тез чиқиб турар, қайси буюми қаердалигини, қандай қилиб олиб чиқиб кетиш осонлигини билардим.

Ўша кунлари Абуваҳоб ака уйига саҳарлиқдан кейин қайтишини қўзғатдим. Тонг отар чоғи атайлаб ишга эртароқ кетаман деб уйдан чиқдим. Тандир ёнидан аста қўшненикига ўтдим. Айвонга чиқиб, қулоқ солсам — ҳаммаёқ жим-жит, ўйдагилар ухлаб ётишибди. Секингина Мавлуда опа ётадиган хонанинг эшигини очдим. Мендан тўрт — беш қадам нарида, тоқчада магнитофон турар, Мавлуда опа ва икки қизи ухларди. Аста магнитофони олиб, оркамга ўтирилгандимки: “Ким? Вой, ҳа, Самад?” деган овозни эшитдим. Қарасам, Мавлуда опа ўрнидан турарди. Шошиб қолдим. Қўзим хонтахта устидаги пичоққа тушди. Қандай қилиб уни олганимни, Мавлуда опага ташланганимни билмайдим. У зарб билан куртканинг чўнтагини юлиб олди. Қай ҳолатда уни ва болаларини ўлдириганимни аниқ эслай олмайман. Ўзимга келганимда дала йўлида кетаётгандим. Шу тариқа тонг саҳарда ишхонага етиб келдим. Чўнтагимнинг иккинчисини йўлда юлиб олиб, ташладим.

Узук билан зирак қандай қилиб чўнтагингизга “тушиб” қолди?

Уйда тирик жон қолмагач... Мавлуда опанинг тақинчоқларини ечиб олдим.

Ёшгина йигитнинг бу қилмиши атрофдагиларни ларзага солди. Арзимаган бир магнитофон учун беш жонни қурбон қилган, қилмишларини тутиласдан сўзлаб бераётган йигит йиғилганларнинг газибани кўзготди. Унинг “қўзим хонтахтадаги пичоққа тушди. Қандай қилиб уни олганимни билмайдим...” дейиши кўпчиликни ларзага солди. Чунки, арзимасдек туюлган ўғрилиқнинг ортидан келиб чиққан шундай катта фожиага худди ўша бепарволик билан хонтахта устида қолдирилган пичоқ сабаб бўлганди...

Ш. ХУДОЙБЕРДИЕВА.



ринчисиди икки ака-ука — ўн-ўн икки ёшли ўғил болалар шу тун ороми учун бош қўйган ёстиқларида ёнма-ён қонга беланиб ётардилар. Уларнинг каттароғи, чамаси, қотилни кўриб қолган-у унга интилган шекилли, қўллари остона томон чўзилганича узала тушган. Наригиси эса акасига пичоқ урилганида ҳам, ўзининг маъсум юрагига тиг қадалганида ҳам ширин уйқуда бўлган — қандай ётган бўлса шундайлигича, худди пишиллаб ухлаётгандек ҳолатда; фақат майкачасининг қоп-қора қонга белангани-ю, рангининг доқадек оқариб кетгани уни аллақачон ҳаётдан кўз юмганини билдириб турибди. Нариги хонада... Нариги хонадаги ҳолатни тасвирлаб, юрагингизни эзишга ҳожат йўқ: бу ерда тундек қора сочлари паршон бўлиб, қўйнидаги гўдагини яширган, лекин бу тим қора чиммат қотил кўзидан эндигина тили чиқиб, “ада”, “ойи” деб чулдирай бошлаган гўдакни беркита олмаган, олти-етти ёшлардаги қизалоқ эса онанинг оёқларига бош қўйган... Бу манзарани, ўрин-кўрпаларга сингиб, айвон томон ўрмалаган алвон рангли қон — она ва унинг тўрт фарзандининг биргалашиб оққан қонини, уларнинг “гуноҳимиз не?” дея кўзларини катта очиб ётишларини кўрган ҳар қандай одамнинг кўзига ёш келади, “Эҳ, қайси золимнинг иши бу? Наҳот худойим шундай

ваҳшийликка йўл қўйса?” — дея инграб юборади.

Эксперт-криминалистлар мурдаларни синчиклаб кўздан кечирдилар, тасмага, суратга туширдилар.

Онанинг остонага интилган, кимгадир узатилган ўнг қўлининг мушт бўлиб маҳкам юмилган кафтида ҳаворанг-кўк рангли нимадир кўзга ташланиб турарди. Унинг муштини амаллаб очдилар. Кўриниб турган кўк нарса — кимнингдир кийимидан юлиб олинган битта тўғмаси бор бир парча мато, тўғрироғи, устки кийимнинг кўкрак чўнтаги эди!

— Мана сизга далилий ашё! — хитоб қилди Равшан Хайдарович. — Демак, қотил кўк рангли кийимда, яъни курткада бўлган. Аёл чанг солиб, унинг курткаси чўнтагидан ушлаб қолгану, қотил силтанганда чўнтак қопқоғи узилиб кетган. Уйдаги ҳолат ҳам қотил босқинчилик мақсадида келганини билдириб турибди. Мархуманинг тилла зираги ва узуги йўқ деярли турмуш ўртоғи. Эътиборни кўпроқ худди шу ранг ва шу матодан кийим кийганларга қаратишимиз зарур.

— Қотил шу кийимда юрармикин? — савол берди кимдир.

— Кийим алмаштиришга улгурмас. Чунки, қотиллик содир бўлганига кўп вақт бўлмаган, бунини жасадларнинг ҳолати ҳам билдириб турибди. Воқеа тонгда юз берган...

— Тонг чоғи ҳаммадан олдин кўчада юрадиган, уйқудагиларни уйғотадиганлар ким? Ҳа яшанг, сут сотувчилар. Уларнинг орасида қотил бўлмаганда ҳам мархуманинг қўлида қолган мато рангиди кийим кийган инсонни кўрганлар бордир?

— Кўрдик! — дея бир овоздан жавоб бердилар икки кун ўтиб, бир неча сут сотувчи қиз-жувон баробарига. — Ўша куни эрта озонда кўк куртка кийган йигит шаҳар томонга кетаётганди. Қўлида магнитофоний, нимадир бор эди.

— Топдим! — Ўткир Ханжаров шошилиб қолди. — Топдим! Биламан, қотил кимлигини, қаерда ишлаганини биламан. Қани, Авазбек, — у милиция лейтенанти Авазбек Муродовга қаради. — Кетдик! У сўнг шошилгандан ўнғайсизланиб гуруҳ бошлиғига мурожаат қилди: — Ўртоқ полковник! Тонг чоғи буёққа келаётганимизда шаҳар четиди ён ошхоналардан бирининг ёнида машина баллонини алмаштиришимизга тўғри келди. Ўша ошхона ёнида худди шу матодан куртка кийган, ёқаларини кўтариб олган, магнитофон кўлтиклаган йигитни учратгандик. У негадир шубҳали туюлди, бу ҳақда Муродовга ҳам айтдим. Йигит ўша ошхонага кириб кетди. Рухсат беринг, бориб, текшириб кўрайлик.

Шаҳарга кираверишдаги ошхона. У оддийгина, кўзга таш-

МУҲАББАТ Масал

Капалак нафис қанотларини қоқиб, тиниқ мовий осмон остида учиб келарди. У бироз дам олиш учун ўргимчакнинг уяси олдида қўнди. Капалак ниҳоятда кўркам уйни кўриб, хайратга тушди ва беҳтиёр сўзлай бошлади:

— Хай-хай-хай! Уй дегани шунчалик ҳам чиройли бўладими? Уя эмас — бутун бир қошона!

Кўзларини милтиллаб турган Ўргимчак деди:

— Кўримсизгина кулбам сенга ёққан бўлса, бу ерда қол. Унинг етти иқлимга овозаси кетган маликаси бўласан. Сени ўзим тўқиган қумуш толаримнинг ипагига ўрайман. Тулин ойдек жамолнингга ўзинг ҳам тўймай юрасан.

— Биргаликда яшаш учун бир-биримизни севишимиз,

ўртамизда муҳаббат бўлиши керак, — деди Капалак.

Ўргимчак Капалакнинг сўзларидан мириқиб қулди:

— Азбаройи соддалигин билан менга ёқиб қолдинг. Ўртамизда муҳаббат бўлиши керак дейсанми? Яхши. Муҳаббат ўзи нима, биласанми, соҳибжамолми? Майли, мен айттай, сен қулоқ сол, у саҳродаги саробга ўхшаш йўқ нарса. Одамлар уни ўзларини овутиш учун ўйлаб топганлар. Дил розини бергил. Бадавлат хонадонининг гўзал бекаси бўлиб қоласан.

Капалак индамади. Ўргимчак сукут — ризолик белгиси деб хурсанд бўлиб, тўю томоша билан Капалакка “ўйлаб” олди. Улар биргаликда яшай бошладилар. Висол оқшомларидан бирида Ўргимчак севги-

лисидан бўса олиш учун уни ўзига яқинроқ тортиди.

— Намунча айикдек қўпол бўлмасанг! Сал бўлса қанотимни синдираддинг, Ўргимчак! Бунақа ҳазил қиладиган бўлсанг, ўлдириб қўйишинг ҳеч гап эмас.

— Эҳ, жонгинам, ўз бойликларимни бекордан-бекорга сенинг оёғларинг остига тўкиб ташламадим. Туримга тушдингми, энди кўнглим кўчасининг базмига ўйнатмай асло тинчмайман!

Зебу зийнатларга учган Капалак Ўргимчакнинг қўлида ўйинчоқ бўлиб қуйди-ёнди. Жонини сўғуриб олаётган Ўргимчакнинг минг бир зулмига чидай олмай бу оламдан кўз юмди.

Ўргимчак бўлса яна кимларгадир... севги изҳор қилиб юрганмиш.

Ишқ бошқа, ҳавас бошқа. Муҳаббат йўлида бир умр хато қилмаслик керак.

Эркин ҚОДИРОВ.

Хоразм вилояти, Питнак шаҳар милиция бўлими томонидан жиноят содир этиб тергов идораларидан қочиб юрган қуйидаги шахслар

ҚИДИРИЛМОҚДА

Эрниёзов Ҳамза Худойберович, 1979 йилда Питнак қишлоғида туғилган, Питнак шаҳар, Ўзбекистон жамоа ҳўжалигининг 2-бўлимида яшаган.

Белгилари: бўйи 170—175 см, соч кўзлари қошлари қора, ўртача гавдали, сочини қалта қилиб қирдирган.

Шайдулов Гурбонмират Реджепмуротович, 1977 йилда туғилган, туркман, Питнак шаҳар, К. Отаниёзов кўчаси, 3/2-уй, 15-хонада яшаган.

Белгилари: бўйи 175—178 см, узунчоқ юзли, кўзлари, сочи, қоши қора.

Матмуротов Мурот Раҳмонберганович, 1966 йил Хазорасп тумани, Янгибозор қишлоғида туғилган, Питнак шаҳри, Отабий кўчаси, 3/5-уй, 25-хонада яшаган.

Белгилари: бўйи 172—175 см, спортчиларга хос гавдали, кўзлари, сочи, қошлари қора, сочини ўстириб юради, қошлари қалин.

Таутиев Марат Валериевич, 1975 йилда Питнак шаҳрида туғилган, миллати осетин, Питнак шаҳар, Маяковский кўчаси, 3/38-уй, 27-хонада яшаган.

Белгилари: бўйи 170—175 см, ўртача гавдали, сочи, қошлари сарғимтир қизил, сочини ўнгга қараб тараб юради.

Раҳимов Давронбек Йўлдошев, 1967 йилда Урганч шаҳрида туғилган, миллати ўзбек, Питнак шаҳри, Тупроққалъа қишлоғи, Хонқа жамоа ҳўжалиғида яшаган.

Белгилари: бўйи 175—178 см, сочи, кўзлари, қошлари қорамтир, сочини ўнгга қараб тараб юради.

Қидирувда бўлган ушбу шахсларни кўрган-билган ёки улар тўғрисида бирон маълумотга эга бўлган фуқаролар яқин атрофдаги милиция бўлимига ёки Питнак шаҳар МБга 51-249, 51-279, 51-102 (Питнак шаҳар коди 362-30-51-249) телефонлар орқали хабар қилишларини сўраймиз.

СПОРТ МУСОБАҚАЛАРИ

Кўқон шаҳрида Фарғона вилоят ички ишлар идоралари ўртасида шахмат бўйича мусобақалар ўтказилди. Мусобақада голиб чиққан Риштон тумани ИИБ жамоасига эсдалик кубоги ва 2-3-ўринларни эгаллаган Охунбобоев тумани ИИБ ва "Қўриқлаш" бошқармаси жамоалари вилоят ИИБ фахрий ёрлиги билан тақдирланди. Шахсий биринчилик бўйича Риштон тумани ИИБ участка вакили, милиция майори Акрамжон Охунжонов ва 2-ўринни эгаллаган Охунбобоев тумани ИИБ ходими, милиция старшинаси Алихон Юсупов, 3-ўринни эгаллаган Кўқон шаҳар "Қўриқлаш" бўлими бошлиғи, милиция майори Абдужаббор Калонваларга пул мукофоти ва вилоят ИИБ фахрий ёрлиги берилди.

Фарғона шаҳрида эса вилоят ички ишлар идоралари ходимлари ўртасида вилоят "Динамо" жисмоний тарбия ва спорт жамиятининг югуриш бўйича вилоят биринчилиги ўтказилди. Мусобақада голиб чиққан жамоа ва шахсий биринчилигини қўлга киритган вилоят ИИБ жанговар ҳаракатдаги бўлинма жамоаси эсдалик кубоги билан тақдирланди. Иккинчи ўринни Миллий хавфсизлик хизма-

ти жамоаси, учинчи ўринни эса Марғилон шаҳар ИИБ жамоаси эгалладилар.

1000 метрли масофага югуришда вилоят ИИБ жанговар ҳаракатдаги бўлинма ходимлари О. Мадаминов, Ё. Усмонов, Қ. Ҳалилов, А. Камоловлар голиб бўлишди. 2-ўринни Миллий хавфсизлик хизмати ходимлари, А. Волков, А. Атамашко, Р. Ҳасанов, Д. Жалоловлар эгаллашди. 3-ўрин Кува тумани ИИБ ходимлари Н. Исмоилов, А. Ҳамроқулов, С. Султонов, А. Алиевларга насиб этди. 3000 метрга югуриш мусобақасида эса 1-ўринни вилоят ИИБ жанговар ҳаракатдаги бўлинма ходими О. Мадаминов, 2-ўрин Марғилон шаҳар ИИБ ходими Д. Умурзоқов, 3-ўрин Миллий хавфсизлик хизмати ходими Д. Мамажонов ва 3-ўринни Бешариқ тумани ИИБ ходими Н. Норматовлар эгаллашди.

5000 метрга югуриш бўйича 1-ўрин вилоят ИИБ жанговар ҳаракатдаги бўлинма ходими О. Мадаминов, 2-ўрин Марғилон шаҳар ИИБ ходими Д. Умурзоқов, 3-ўрин Миллий хавфсизлик хизмати ходими Д. Мамажонов ва 3-ўринни Бешариқ тумани ИИБ ходими Н. Норматовлар эгаллашди.

Ўз мухбиримиз.

Турфа олам

"ОШНАМНИ КИМ ХАФА ҚИЛДИ?"

Йўлда ётган айёр тулкини ўлик деб ўйлаб "кампирумнинг пальтосига ёқа қилиб берарман" деган ҳаёлда аравасига солиб олган ва манзилга етгунча балиқдан ҳам, тулкидан ҳам ажраб қолган содда чол ҳақидаги эртак ёдингиздами?

Лекин ҳозир ўқийдиган воқеангиз эртак эмас, ростакам ҳаётини ҳодиса.

Москва — Минск йўли бўйлаб яп-янги "Мерседес"ни "учиртириб" кетаётган москвалик йигитнинг йўлига чопиб кийик чиқиб қолди-ю, йигит машинани тўхтатишга улгурмади — кийикни уриб юборди. Ҳайдовчи бегуноҳ қурбонининг тепасида бироз ачиниш турди ва уни машинанинг орқа ўриндигига жойлаштириб, йўлда давом этди.

Бироз йўл босилгач, ҳайдовчи "ўлди" деб ўйлаган, аслида теккан зарбадан шунчаки, қарахт бўлиб, ҳушини йўқотган кийик ҳушига келиб, типирчиллаганича ўрнидан турди-ю, шартта... ҳайдовчининг бўйнидан тишлаб олди. Дабдурустдан кийик "тирилиб" ҳужум қилганидан эсанкираб қолган ҳайдовчи машинадан туша, қочди. Ҳазаб отига минган "жабрланувчи" эса унинг ортидан қувлади.

Шу пайт қутилмаган воқеа юз берди: шу атрофда айланиб юрган кимнингдир олапари ёввойи кийикнинг ортидан эмас... қочиб бораётган одамнинг ортидан қувлаб кетди...

Орадан бир неча соат ўтиб, жарроҳлар шўрлик ҳайдовчининг 9 жойидаги ярани тикиб чиқдилар.

Ўзбекистон Республикаси ИИБ раҳбарияти ва шахсий таркиби Ўзбекистон Республикаси халқ артисти Пулат Саидқосимовга волидаи муҳтарамаси
ОЙНИСА аянинг
вафот этганлиги муносабати билан чуқур таъзия изҳор этадилар.

Ўзбекистон Республикаси ИИБ раҳбарияти ва шахсий таркиби Ўзбекистон Республикасида хизмат кўрсатган артист Обид Асомовга падари бузруквори
АФЗМ отанинг
вафот этганлиги муносабати билан чуқур таъзия изҳор этадилар.


Ўзбекистон Республикаси ИИБ Академияси раҳбарияти ва шахсий таркиби Криминалистика кафедраси профессори, биология фанлари доктори Б. Исмоилхўжаевга опаси
Мапура Шариповна САДУЛЛАЕВанинг
вафот этганлиги муносабати билан ҳамдардлик билдирадилар.

Ўзбекистон Республикаси ИИБ Бирлашган таҳририяти жамоаси таҳририят ходими Т. Галкинага акаси
Борис Васильевич МАТИЦИННИНГ
вафот этганлиги муносабати билан ҳамдардлик билдиради.

Тошкент вилояти ИИБ раҳбарияти ва шахсий таркиби Қибрай тумани ИИБ қошидаги қўриқлаш бўлими бошлиғи милиция подполковниги Р. Толиповга опаси
ОРТИҚ аянинг
вафот этганлиги муносабати билан ҳамдардлик билдирадилар.

Сурхондарё вилояти ИИБ раҳбарияти, шахсий таркиби ва Фахрийлар кенгаши истеъфодаги милиция майори Қ. Зокировга волидаи муҳтарамаси
Сановар ЗОКИРОВАНИНГ
бандаликни бажо қилганлиги сабаб чуқур таъзия изҳор қиладилар.

КРОССВОРД



Энига: 1. Азиз неъмат. 3. Ёзувчи, "Қуёш қораймас" романининг муаллифи. 6. Ҳисоблаш ишларида қўлланиладиган содда асбоб. 8. Қатъий ваъда. 9. Яқин, қадрдон киши. 10. Бўйаш моддаси. 12. Бир отабободан тарқалган кишилар. 15. Фалла экини. 19. Йирик камёб жануб жонивори. 20. Иссиқ иқлимли ҳудуд. 23. Савдо соҳасидаги фан. 28. Ўсимлик тупини кўпайтириш усули. 30. Серуруғ хўл мева. 34. Уфқда маълум бир шароитда қўринадиган табиат ҳодисаси. 37. Оммавий бозор. 39. Электр токи кучини ўзгартирувчи қурилма. 43. Китоб қисми. 46. Мол сўювчи мутахассис. 48.

Қадимда ҳукмдорлар саройи. 50. Юнон алифбосидаги ҳарф. 53. Гап бўлаги. 55. Махсус қазилган чуқурлик. 56. Йиртқич парранда. 57. Катта хона. 58. Миллий нон тури. 59. Ёқилғи қолдиги.

Бўйига: 1. Ер юзидаги энг

узун дарё. 2. Хўл мева. 3. Падари бузруквор. 4. Ширинлик. 5. Шартли равишда қабул қилинган белги ва сигналлар тизими. 6. Африкадаги шўр сувли қўл. 7. Миллий либос. 11. Камёб чопқир жонивор. 13. Қурилманинг айланувчи ўқи. 14. Қуръони Карим сураси қисми. 16. Нон тури. 17. Либоснинг сиртки қавати. 18. Ёқилғи тури. 19. Китоб саҳифаси. 21. Ранг. 22. Спорт беллашуви. 24. Қаштачиликда гул тикиш усули. 25. Геометрик шакл. 26. Энг мўътабар зот. 27. Сибирдаги дарё. 28. Шамсия йили ҳисобидаги тўққизинчи ойнинг арабча номи. 29. Ҳажм ўлчови бирлиги. 31. Мақолдан: "...?.. кўрмай роҳат йўқ". 32. Ҳарбий бўлинма. 33. Намоз ўқилишини бошқарувчи мулла. 35. Англияда қўлланиладиган ер сатҳи ўлчови бирлиги. 36. Эркаларнинг мусиқий овози тури. 37. Кунчиқар мамлакат таркибидаги орол. 38. Таниқли, кавказлик кўзбойлогич санъаткор. 39. Усти ёпиқ бозор. 40. Техникада фойдаланиладиган инерт газ. 41. Саида Зуннунова поэмаси. 42. Шоҳмат донаси. 44. Инсоннинг ҳаётлик даври. 45. Яқин киши. 46. Пул бирлиги. 47. Кишининг фикрлаш қобилияти, идрок. 48. Кучли совуқ. 49. Табиий сув ҳавзаси. 50. Ҳикматдан: "...?.. билгунча, иш бил". 51. Шоҳмат ўйинидаги ҳолат. 52. Вақт ўлчови бирлиги. 53. Хурлик, озодлик ҳуқуқи. 54. Абдулла Орипов шеъри.

Фозилжон ОРИПОВ тузди

ГАЗЕТАНИНГ ЎТган Сонида ЭЪЛОН Қилинган КРИПТОГРАММАЛИ ЦИКЛОКРОССВОРДНИНГ ЖАВОБЛАРИ:
1. Дорихона. 2. Серенада. 3. Оперетта. 4. "Тўтинома". 5. Низомова. 6. Трамплин. 7. Жаманова. 8. Восикова. 9. Тақинчок. 10. Талқикот. 11. "Турандот". 12. Назарова. 13. Прокурор. 14. "Пахтакор". 15. Муҳаббат. 16. Ҳамидова. 17. Маргарин. 18. "Раймонда". 19. Бақлажон. 20. Габардин. 21. Марварид. 22. "Травата". 23. Афродита.
"Оқич" сўзлар: I. Олтин. II. Сариев. III. Шафтоли. IV. Сўз. V. Лаган.
Криптограммадаги ҳикматли сўзлар:
Аёлнинг сариштаси —
Рўзгорнинг фариштаси.

KELGUSI HAFTA UCHUN MUNAJJIMLAR BASHORATI

КҮЙ (21 март — 20 апрель). Ҳафтанинг бошида гипнозчилар, экстрасенслар ва башоратчилар билан алоқа қилмаганингиз маъқул. Яқин дўстингиз пайшанба куни сизни ташвишга солаётган масала бўйича фойдали маслаҳат бериши мумкин.

СИГИР (21 апрель — 21 май). Агар тижорат билан шугулланишга аҳд қилган бўлсангиз бунга ушбу ҳафтада киришинг. Бунинг учун сешанба ва чоршанба кунлар қулайдир. Молиявий битимни душанба ва жума кунлари тузасиз. Шанба куни ижодий фаоллик қутилмоқда.

ЭГИЗАКЛАР (22 май — 21 июнь). Сешанба ва чоршанба кунлари кичик кўнгилсизликларнинг гувоҳи бўласиз. Душанба ва пайшанба кунларига муҳим амалий учрашувларни режалаштиринг. Жума ва якшанба кунларни эса шахсий юмушларингизни бажаришга бағишлаганингиз маъқул.

ҚИСҚИЧБАҚА (22 июнь — 23 июль). Ҳафтанинг дастлабки кунлари кўп пул сарфлашдан ўзингизни тийинг. Таваккал иш туташингиз ўзини оқламайди. Чоршанба-пайшанба кунлари қайфиятингизни кўтариш имконияти бор. Дам олиш кунлари вақтингизни табиат бағрида ўтказишни маслаҳат берамиз.
АРСЛОН (24 июль — 23 август). Чоршанба ва жума кунлари ўз ҳақлингизни исботлаш учун кўп куч сарфлашингизга тўғри келади. Теварак-атрофингиздаги одамларни сўзамоллигингизга пайшанба куни қойил қолдирасиз. Эътиборли инсонлар билан шанба куни бўлиб ўтадиган учрашув сизга катта наф келтиради.

БОШОҚ (24 август — 23 сентябрь). Ушбу ҳафтада ўзингизни қийнаётган муаммони ҳал этиб, янги таниш орттасиз. Жума куни турмуш тарзингизни ўзгартиришга уринманг. Барча саъй-ҳаракатларингиз зое кетади.

ТАРОЗИ (24 сентябрь — 23 октябрь). Сешанба ва пайшанба кунлари ижодий муваффақиятга эришасиз. Жума куни олисдан хушхабар қутилмоқда. Шанба-якшанба кунлардаги кичик саёҳатдан катта наф кўриб, янги танишлар орттасиз.

ЧАЁН (24 октябрь — 22 ноябрь). Душанба кунги амалий учрашув муваффақиятли якунланади. Чоршанба ва пайшанба кунлари ҳужжатларни расмийлаштиришга кўп вақт сарфлашингизга тўғри келади.

ЁЙ (23 ноябрь — 21 декабрь). Ҳафтанинг бошида барча дамларингиз кўтаринки руҳда ўтади. Пайшанба куни алданиб қолишдан эҳтиёт бўлинг. Якшанба куни қувноқ даврада кўнгилли ҳордиқ чиқарасиз.

ТОҒ ЭЧКИСИ (22 декабрь — 20 январь). Сешанба-чоршанба кунлари яқин қариндошларингиз ўзларига эътибор беришингизни талаб этишади. Сизнинг етакчилик қобилиятингиз пайшанба кунга белгиланган вазибаларни бажаришда қўл келади.

ҚОВҒА (21 январь — 19 февраль). Ижодий фаолликка сешанба куни эришасиз. Машаққатли меҳнат мевасидан нафақат ўзингиз, балки яқинларингиз ҳам баҳраманд бўлишади. Бошлиқ билан ўз ҳақингизда жума куни гаплашганингиз маъқул. Бу, албатта, самара беради.

БАЛИҚ (20 февраль — 20 март). Мазкур ҳафтадаги энг омадли кун чоршанбадир. Таваккал иш туташингиз мумкин, омад сиз томонда. Пайшанба ва жума кунлари ишбилармонлик қобилиятингизни намойиш этасиз. Бу эса яқин вақт ичида ҳаменингизга пул тушишига олиб келади.

O'ZBEKISTON RESPUBLIKASI IIV BIRLASHGAN TAHRIRIYATI

MANZILIMIZ:
700029,
Toshkent,
Yunus Rajabiy
ko'chasi, 1



**Gazeta haftaning juma
kunlari chiqadi.**

**Bosh muharrir
Zokir ATAYEV**

Muharrir
Erkin SATTOROV
(Bosh muharrir
o'rinbosari v.b.)

Navbatchi:
S. SHAMSIDDINOV
Musahhihlar:
M. AKRAMOVA
G. XOLIQOVA
Sahifalovchi va dizayner:
A. MIRZAMUHAMEDOV

TELEFONLAR:
Bosh muharrir
o'rinbosari — 139-77-23.
muxbirlar
bo'limi 139-75-69.
Faks 54-37-91.

Gazeta tarqatish masalalari
bo'yicha murojaat uchun
faks: 54-37-91,
peyjer: (088) 36-97, 55-19.

Reklama bo'limi
..... 139-73-88
peyjer (088) 55-54

Elektron pochta
postmaster@urmvd.co.uz

Bizning hisob raqamimiz
O'zbekiston Respublikasi
Markaziy banki
Toshkent shahar Bosh
boshqarmasi hisob-kitob —
kassa markazida:
2106000200447980001,
MFO 00014.

- Ko'chirib bosishda «Postda» dan ekanligini ko'rsatish shart
- Maqolada keltirilgan raqamlar, faktlar va boshqa ma'lumotlar, shuningdek, ochiq e'lon qilinishi mumkin bo'lmagan ma'lumotlar uchun muallif javobgar hisoblanadi.
- Muallifning mulohazasi tahririyat fikriga mos tushmasligi mumkin.
- Qo'lyozmalar tahlil qilinmaydi va qaytarilmaydi.

Ro'yxatdan o'tish
tartibi № 00007.
Buyurtma № — 202.
Hajmi — 4 bosma taboq.
Bosilish — ofset usulida.

Bosishga topshirish
vaqti — 19.00,
Bosishga
topshirildi — 18.00.

Obuna raqami — 180

117178 nusxada chop etildi.

«SHARQ»
nashriyot-matbaa konserni
bosmaxonasi.
Korxona manzili:
Buyuk Turon ko'chasi
41-uy.

1, 2, 3, 4, 5, 6.